

Xon⁴ xi³ pa²stro⁴ Pablo qui³squi³-le⁴ cho⁴ta⁴ romanos

Pablo si¹ti²nta³

1 An³ nia¹³ Pablo, xi³
cho^{4?}nta³-le⁴ Jesucristo.

Qui³no²cjoa⁴-na³ nca³ pa²stro⁴
coan³, c⁷oa⁴ qui³n⁷o²sje³xin²-na³
xi³ t²a³ts²e⁴ je² en¹nta³-le⁴ Ni³na¹
2xi³ to⁴nqui³-ni³ Ni³na¹ qui³tsjoa³
ts³o³ nca³ tsjoa¹. Ya⁴ tji¹t²a³ xon⁴
Escrituras xi³ tsje³, je² xi³ qui³squi³
cho⁴ta⁴ xi³ qui³nchja⁴ya³ t²a³ts²e⁴
Ni³na¹. ³Je² en¹nta³-vi⁴ xi³ nchja⁴-
ni³ Jesucristo Nai³-na¹ xi³ ⁷nti¹-le⁴
Ni³na¹, xi³ ji³nchoa³-ni³ ntje⁴-le⁴
David jo³ cjoan³ yao³-le⁴. ⁴Je² xi³
cao⁴ nca³n⁷ion¹ tsa³?ya³son²tsen³-le⁴
nca³ ⁷nti¹-le⁴ Ni³na¹ ni¹, jo³ cjoan³
Espíritutsje³-le⁴, nca³ ja³a²ya³-ni³le⁴
nca³ c⁷en³. ⁵Xi³ to⁴t²a³ts²e⁴ Cristo
qui³scoe²³ cjoa⁴nta³ cao⁴ xa¹-le⁴
pa²stro⁴, jme¹-ni³ nca³ nca³ts²i³
cho⁴ta⁴ xi³ li² judío-jin² coi⁴tjo³son²-
si¹ni³le⁴ nca³ coan⁴cjain¹-le⁴
t²a³ts²e⁴ jan³ain¹-le⁴ Cristo.
⁶C⁷oa⁴²-ti⁴ coi³ nio¹³ nca³ jon² xi³
c⁷oa⁴-s⁷in² qui³no²cjoa⁴-no³ t²a³ts²e⁴
Jesucristo. ⁷Ti²cji³-no³ nca³ts²io³
xi³ ti³yo³ ya⁴ Roma, xi³ tsjoa³que³-
no³ Ni³na¹, xi³ qui³no²cjoa⁴-no³
nca³ cho⁴ta⁴-le⁴ Cristo coaon⁴³.
Ni³na¹ N⁷ai³-na¹ cao⁴ Nai³-na¹

Jesucristo ca²ta³tsjoa¹-no³ cjoa⁴nta³,
ca²ta³si¹qui³njen³nch⁷an¹jin³
ni⁴ma⁴-no³.

Pablo me³-le⁴ nca³ coai⁴ ya⁴ Roma
⁸Ti¹tjon², xi³ to⁴t²a³ts²e⁴ Jesucristo
tsjoa³-le⁴ cjoa⁴nta³ Ni³na¹-na⁴
xi³ t²a³tsaon⁴³ nca³ts²io³ nca³
nca³qui³jnta² son³nte³ no²cjoa⁴ya³-
ni³ nca³ ma³cjain¹-no³. ⁹Testigo-na⁴
ma³-ni³ Ni³na¹, xi³ an³ si³xa¹³-le⁴
cao⁴ ni⁴ma⁴-na⁴, nca³ nchja²ya³ je²
en¹nta³ xi³ t²a³ts²e⁴ ⁷nti¹-le⁴, nca³
fa³ai³tsjen³-na³ nca³ntsjai² xi³
t²a³tsaon⁴³ c⁷ia⁴ nca³ v⁷e³ts²oa²³.
¹⁰Ti²si³je¹³-nia¹³ tsa² coi⁴cho³-
na³ ni⁴čhjin³ tsa² Ni³na¹ c⁷oa⁴-s⁷in²
me³-le⁴ nca³ c⁷oa⁴coan⁴-na³ nca³
cjo¹con³-no³ nca³ jon² to⁴jo³-s⁷in²ni³.
¹¹Cjai¹nca³ me³-na³ nca³ scoe³-no³,
jme¹-ni³ nca³ tsjoa³-si¹ni³no³ jnco³
cjoa⁴tjao² xi³ ts²e⁴ Espíritu Santo,
c⁷oa⁴ jme¹-ni³ nca³ s⁷e⁴-si¹ni³no³
nca³n⁷ion¹. ¹²Coi³ xi³ tso²-le⁴ nca³
to⁴jnco³ si⁴je³ta³coan³² xi²nquia⁴²
cao⁴ jo³-s⁷in² ma³cjain¹-na¹ cao⁴
jon² cao⁴ an³. ¹³To⁴nca³ me³-na³,
nts²e³, nca³ jchao⁴³ nca³ ncjin² c⁷a³
tsa³ca²te⁴jna³nta³ nca³ cjo¹con³-
no³ (to⁴nca³ sa³nta³ nt⁷ai⁴-vi⁴
ti¹s²e³chjoa²-na³), jme¹-ni³ nca³

c²oa⁴-ti⁴ tjin¹ xi³ si³qui³njen³jin³-
si¹ni³no³, jo³-s²in² nca³
qui³si³qui³njen³jin³-le⁴ xi³c²a³ cho⁴ta⁴
xi³ li² judío-jin². **14** An³ qui³tjen⁴-na³
xi³ t²a³ts²e⁴ cho⁴ta⁴ griego c²oa⁴ xi³
t²a³ts²e⁴ cho⁴ta⁴cja⁴ai¹, xi³ t²a³ts²e⁴
cho⁴ta⁴chji⁴ne⁴, c²oa⁴ xi³ t²a³ts²e⁴
xi³ ts² tsa² chji⁴ne⁴. **15** C²oa⁴-s²in²
ti²jna⁴nta³ nca³ an³, nca³ c²oa⁴-ti⁴
coi³nchja²ya³jin³-no³ je² en¹nta³ xi³
t²a³ts²e⁴ Cristo, jon² xi³ ti³yo³ ya⁴
Roma.

**Je² en¹nta³ xi³ t²a³ts²e⁴ Cristo
coi³ xi³ nca³n²ion¹-le⁴ Ni³na¹**

16 Nca⁴ li²coi³ ma³soa³-na³ xi³
t²a³ts²e⁴ je² en¹nta³ xi³ t²a³ts²e⁴
Cristo, nca⁴ coi³ xi³ nca³n²ion¹-le⁴
Ni³na¹, xi³ v²a³sje³ntjai² nca³ts²i³ xi³
ma³cjain¹-le⁴, ti¹tjon² cho⁴ta⁴ judío
c²oa⁴-ti⁴ cho⁴ta⁴ griego. **17** Je² en¹nta³
xi³ va³co¹son²tsen³ cjoa⁴qui²xi⁴-le⁴
Ni³na¹ xi³ t²a³ts²e⁴ xi³ ma³cjain¹-le⁴
cho⁴ta⁴ nca³ ma³cjain¹-sa³le⁴, jo³-s²in²
tji¹t²a³: Je² xi³ cho⁴ta⁴cjoa⁴qui²xi⁴
c²oe¹jna³con³ xi³ to⁴t²a³ts²e⁴ nca³
ma³cjain¹-le⁴.

Cho⁴ta⁴son³nte³ ña³qui³ tjin¹-le⁴ je¹

18 Ti¹jna³son²tsen³ je² cjoa⁴jt³-
le⁴ Ni³na¹ xi³ nchoa¹-ni³ nc²a³jmi³
co²ntran⁴-le⁴ nca³yi³je³ xi³ ts²
ve³xcon¹ Ni³na¹ cao⁴ xi³ ts²
cjoa⁴qui²xi⁴ xi³ s²in¹, cho⁴ta⁴ xi³
v²e¹chjoa²-le⁴ xi³ cjoa⁴qui²xi⁴
to⁴t²a³ts²e⁴ xi³ ts² cjoa⁴qui²xi⁴. **19** Je²
cjoa⁴ xi³ ?ya³-le⁴ xi³ t²a³ts²e⁴ Ni³na¹
tji¹son²tsen³-le⁴ cho⁴ta⁴-ve⁴, nca⁴
Ni³na¹ tsa³c²e¹jna³son²tsen³-le⁴.
20 Je² cjoa⁴ xi³ ts²coi³ ma³tsen³ xi³
ts²e⁴ Ni³na¹, xi³ coi³ nca³n²ion¹-le⁴
xi³ ti¹jna³ntsjai², c²oa⁴ xi³ coi³ jo³
cjoan³ Ni³na¹, coan³tsen³ sa³nta³

nca³ qui³s²e³nta³ son³nte³. Je²
cjoa⁴-vi⁴ tsa³y²a³-le⁴ to⁴t²a³ts²e⁴
tso³jmi² xi³ qui³s²nta³. Coi³ nca³
ñ²a³qui³ tjin¹-le⁴ je¹ cho⁴ta⁴. **21** Nca⁴
nta³ tsa² tsa³ve³ Ni³na¹, li²coi³
tsa³c²a³sje³je³ya³ jo³-ni³ tsa² Ni³na¹,
ni⁴qui³tsjao³-jin²le⁴ cjoa⁴nta³, to⁴nca³
qui³si³sca¹ya³-le⁴ cjoa⁴fa³ai³tsjen³-
le⁴, c²oa⁴ je² ni⁴ma⁴-le⁴ xi³ chi⁴con¹
qui³s²e³nzion²jin³-le⁴. **22** Chji⁴ne⁴
qui³tso²-le⁴ yao³-le⁴, sca¹ya³ coan³-
le⁴. **23** C²oa⁴ qui³tsjion³ cjoa⁴je³ya³-le⁴
Ni³na¹ xi³ tsi² fi³tson³ya² c²oa⁴
nca³jao³-le⁴ qui³si³cjoan³ sen¹-le⁴
cho⁴ta⁴son³nte³ xi³ fi³tson³ya²,
c²oa⁴ qui³si³cjoan³ sen¹-le⁴ ni⁴se³,
c²oa⁴ sen¹-le⁴ cho⁴ xi³ ñ²ma³-ni³
ntso⁴co⁴, c²oa⁴ sen¹-le⁴ ye⁴. **24** Coi³
cjoa⁴ nca³ Ni³na¹ qui³sca³ni¹t²a³-
le⁴ cjoa⁴ts²en⁴, nca³ cjoa⁴chi⁴nca⁴
tjin¹-le⁴ ni⁴ma⁴-le⁴. C²oa⁴-s²in²
qui³si³qui³tson¹ yao³-le⁴ ya⁴jin³-le⁴
xi¹ncjin¹. **25** Je² cho⁴ta⁴ xo⁴cjoan³-vi⁴
qui³si³c²a³ntjai²ya³ cjoa⁴qui²xi⁴-
le⁴ Ni³na¹ nca³ tsa³c²a³sje³ nti³so³.
Nqui²sa⁴ tsa³ve³xcon¹, c²oa⁴ nqui²sa⁴
qui³si³xa¹-le⁴ cho⁴ta⁴son³nte³
cao⁴-ni³ tsa² Ni³na¹ xi³ tsa³c²e¹nta³,
jña³-le⁴ xi³ coan³chi³con³t²ain³
nca³ntsjai² ni⁴chjin³. C²oa⁴
ca²ta³ma³. **26** Xi³ coi³-vi⁴ Ni³na¹
qui³sca³ni¹t²a³-le⁴ cjoa⁴chi⁴nca⁴-
le⁴ xi³ tjin¹-le⁴ cjoa⁴soa³. Nta³ tsa²
ya¹ncchjin¹-le⁴ qui³si³c²a³ntjai²ya³
jo³-s²in² ma³chjen¹-le⁴ yao³-le⁴
xi³ t²a³ts²e⁴ je² xi³ ts² tsa² coi³
c²oa⁴-s²in² ma³chjen¹-le⁴. **27** Ti⁴c²oa⁴-
s²in² qui³s²in³-ni³ cho⁴ta⁴x²in⁴
nca³ qui³si³c²e¹jna³ jo³-s²in² nca³
ma³chjen¹ xi³ ya¹ncchjin¹. Ña³qui³
n²ion¹ qui³si³s²in³-le⁴ yao³-le⁴ cao⁴
x²in⁴xi¹ncjin¹, qui³si³cao⁴ je¹ xi¹ncjin¹
jo³-ni³ tsa² ya¹ncchjin¹. Je² soa³

qui³scoe¹ chji¹-le⁴ xi³ tsa³quin²-le⁴
 cjoa⁴sca¹ya³-le⁴. **28** C^ooa⁴ jo³-s²in²
 nca³ je² tsi²coi³ qui³sa³sen³-le⁴ nca³
 Ni³na¹ cjoa⁴ai¹tsjen³-le⁴, Ni³na¹
 qui³sca³ni¹t²a³-le⁴ cjoa⁴fa³?ai³tsjen³
 xi³ n²ion¹ ch²ao³ tjin¹, jme¹-ni³ nca³
 c^ooa⁴s²in⁴²-si¹ni³ xi³ tsi² coi³
 nta³ tjin¹. **29** Tjin¹yi³je³-le⁴ to⁴jo³ tjin¹
 jco⁴ya³ cjoa⁴ts²en⁴, cjoa⁴cha³jnqui³,
 cjoa⁴taon³, cjoa⁴ch²ao³ntai³, cjoa⁴
 xi³ ch²ao³ tjin¹, cjai¹nca³ tse³
 qui³s²e³-le⁴ cjoa⁴xin²ta³con², c^ooa⁴
 xi³ si¹c²en³ c²en³, cjoa⁴vi³xcan¹
 tjin¹-le⁴, cao⁴ cjoa⁴ch²a²na⁴cha⁴,
 c^ooa⁴ ch²ao³ si¹cja³?ai³tsjen³-le⁴
 nca³ts²i³ xi³c²a³. **30** Si¹c²a³xqui⁴
 xi³c²a³, vi³ncha¹nti³so³-le⁴, jti³que³
 Ni³na¹, cho⁴ta⁴ts²en⁴?a³, nc²a³con³,
 v²a³sje³je³ya³ yao³-le⁴, v²a³sje³-
 ni³ jco⁴ cjoa⁴ xi³ ch²ao³ tjin¹,
 ts²a³ntjai²cjoa⁴ t²a³ts²e⁴ xi³jcha¹-
 le⁴, **31** chi⁴con¹, li²coi³ si¹tjo³son²-le⁴
 en¹-le⁴, xi¹jin³ ni⁴ma⁴-le⁴, n²ion¹con³,
 tsin²-le⁴ cjoa⁴ma⁴ta³con²-jin².
32 Nta³ tsa² ve³ jme³ cjoa⁴qui²xi⁴ xi³
 tsjоa¹ Ni³na¹, nca³ je² xi³ c^ooa⁴s²in¹
 va³quin²-le⁴ cjoa⁴vi³ya³, a³li² to⁴coi³-
 jin² nca³ c^ooa⁴s²in¹, to⁴nca³ c^ooa⁴-ti⁴
 to⁴jnco³ ma³tsjоa³ya³-le⁴ cao⁴ je² xi³
 c^ooa⁴s²in¹.

**Cao⁴ cjoa⁴qui²xi⁴ Ni³na¹ tsjоa¹-
 le⁴ cjoa⁴ñ?ain³ cho⁴ta⁴je¹**

2 Coi³ nca³ tsin²-li² cjoa⁴qui²xi⁴-
 jin² jo³-s²in² nca³ ch²a³sje³ntjai²
 je¹ yao³-li⁴, ji³ cho⁴tai⁴ xi³ ?ya³sin³
 cho⁴ta⁴. C²ia⁴ nca³ ?ya³sin³cho⁴ta⁴
 xi³ cja⁴ai¹, ti⁴ji³ ?ya³sin³-ni³ yao³-
 li⁴, nca⁴ c^ooa⁴?ti⁴ ti⁴n²ian²-ni³,
 ji³ xi³ ti³ya³sin³. **2** To⁴nca³ ?ya³-
 nia¹ nca³ cao⁴ cjoa⁴qui²xi⁴ Ni³na¹
 tsjоa¹-le⁴ cjoa⁴ñ?ain³ je² xi³
 c^ooa⁴s²in¹ je² cjoa⁴-vi⁴. **3** Ji³ xi³

?ya³sin³ cho⁴ta⁴ xi³ c^ooa⁴s²in¹ je²
 cjoa⁴-vi⁴, c^ooa⁴-ti⁴ ji³ c^ooa⁴ti³n²ian²-
 ni³. A³ ni²cja³?ai³tsjen³-ni¹ nca³
 coi²tjo⁴ntjai²-lai⁴ cjoa⁴ñ?ain³-le⁴
 Ni³na¹. **4** A³xo⁴ n²o²sje³nqui³-ni¹
 xi³ n²ion¹ tse³ cjoa⁴nta³-le⁴ Ni³na¹,
 cao⁴ cjoa⁴cho⁴ya³cao⁴cjoa⁴-le⁴,
 cao⁴ cjoa⁴tse³ta³con²-le⁴, nca³
 tsi² ?yai³ nca³ je² cjoa⁴nta³-le⁴
 fi²cao⁴-li² nca³ si⁴c²a³ntjai²ya³-
 ni³ cjoa⁴fa³?ai³tsjen³-li⁴. **5** To⁴nca³
 jo³-s²in² xi¹jin³ ni⁴ma⁴-li⁴ nca³tsi²
 ni²c²a³ntjai²yai³ cjoa⁴fa³?ai³tsjen³-li⁴,
 ti³ni²ch²a¹ne²-lai⁴ yao³-li⁴ cjoa⁴jt¹-le⁴
 Ni³na¹ xi³ t²a³ts²e⁴ c²ia⁴ ni⁴čhjin³-le⁴
 cjoa⁴jt¹-le⁴, c²ia⁴ nca³ coa⁴co²tsen³
 je² cjoa⁴ñ?ain³ xi³ cjoa⁴qui²xi⁴ xi³
 tsjоa¹ Ni³na¹. **6** Ni³na¹ c²oe⁴chji¹-le⁴
 nca³ jnco¹jnco¹ jo³-s²in² xa¹-le⁴ xi³
 qui³s²in³. **7** Je² cho⁴ta⁴ xi³ va¹sjai³
 cjoa⁴je³ya³ cao⁴ cjoa⁴xcon¹ta³con²
 cao⁴ xi³ ni⁴c²ia³-jin² cjo⁴tson¹,
 nca³ tse³jta³ nta³ ncha³ s²in¹,
 Ni³na¹ tsjоa¹-le⁴ cjoa⁴vi³jna³chon³
 nca³ntsjai². **8** To⁴nca³ je² xi³ me³-
 le⁴ si¹qui³njen³ t²a³ts²e⁴ yao³-le⁴, xi³
 tsi² si¹tjo³son²-le⁴ xi³ cjoa⁴qui²xi⁴,
 to⁴nca³ si¹tjo³son²-le⁴ xi³ cjoa⁴ts²en⁴,
 Ni³na¹ n²ion¹ tsjоa¹-le⁴ cjoa⁴jt¹ cao⁴
 cjoa⁴jt¹ xi³ n²ion¹, **9** cjoa⁴ñ?ain³ cao⁴
 cjoa⁴va³ xi³ t²a³ts²e⁴ nca³ts²i³ cho⁴ta⁴
 xi³ ch²ao³ s²in¹, ti¹tjon² cho⁴ta⁴ judío,
 c²oa⁴-ti⁴ cho⁴ta⁴ griego, **10** to⁴nca³
 cjoa⁴je³ya³ cao⁴ cjoa⁴xcon¹ta³con²
 cao⁴ cjoa⁴nch²an¹ta³con² t²a³ts²e⁴
 nca³ts²i³ xi³ nta³ s²in¹, ti¹tjon²
 cho⁴ta⁴ judío, c²oa⁴-ti⁴ cho⁴ta⁴
 griego. **11** Ni³na¹ to⁴nco¹son²-s²in²
 fi²cao⁴ nca³ts²i³. **12** Je² nca³ts²i³
 xi³ tsin²-le⁴ cjoa⁴te¹xo³ma³, c²oa⁴
 xi³ tsa³jnqui³ je¹, c²oa⁴?ti⁴ tsin²-
 le⁴ cjoa⁴te¹xo³ma³ nca³ cha⁴jin³.
 C²oa⁴ je² nca³ts²i³ xi³ tjo¹nqui³

cjoa⁴te¹xo³ma³, c²oa⁴ xi³ tsa³jnqui³
je¹, c²oa⁴²-ti⁴ cao⁴ cjoa⁴te¹xo³ma³
s³e⁴nta³jin³-ni³le⁴. ¹³A³li² je²-jin²
xi³ to⁴nch²oe¹-le⁴ cjoa⁴te¹xo³ma³
xi³ tjin¹-le⁴ cjoa⁴qui²xi⁴ nqui³xcon⁴
Ni³na¹, to⁴nca³ je² xi³ si¹tjo³son²-
le⁴ cjoa⁴te¹xo³ma³, je² xi³ cjoet²a³
je¹-le⁴. ¹⁴Je² cho⁴ta⁴ xi³ li² judío-
jin² xi³ tsin²-le⁴ cjoa⁴te¹xo³ma³-jin²,
xi³ to⁴xa¹ je²-ni³ nca³ c²oa⁴?in¹
jo³ tso² cjoa⁴te¹xo³ma³, nta³
tsa² tsin²-le⁴ cjoa⁴te¹xo³ma³-
ve⁴, je² cho⁴ta⁴-ve⁴ to⁴xa¹ je²-ni³
nca³ tjin¹-le⁴ cjoa⁴te¹xo³ma³
ti⁴t²a³ts²e⁴-ni³. ¹⁵Va³co¹cho⁴ya³
nca³ je³tjin¹-le⁴ ni⁴ma⁴-le⁴ je²
xi³ v²e¹ne²-le⁴ cjoa⁴te¹xo³ma³.
C²oa⁴-ti⁴ je² cjoa⁴fa³?ai³tsjen³-
le⁴ to⁴jnco³ si¹qui²xi⁴ya³. C²oa⁴ je²
cjoa⁴fa³?ai³tsjen³-le⁴ fao¹⁷a³ nca³
va¹nqui³ c²oa⁴ v²a³sje³nqui³ je¹ yao³-
le⁴. ¹⁶C²oa⁴coan⁴ coi³ ni⁴chjin³ c²ia⁴
nca³ Ni³na¹ c²oe⁴²nta³jin³ cjoa⁴?ma³-
le⁴ cho⁴ta⁴ xi³ to⁴t²a³ts²e⁴ Jesucristo.
C²oa⁴tso² en¹nta³ xi³ t²a³ts²e⁴ Cristo
xi³ nchja²ya³.

Cho⁴ta⁴ judío cja¹nca³ nta³ ve³con³ cjoa⁴te¹xo³ma³

¹⁷Coe⁴-ni³vi⁴, ji³ xi³ jan³⁷ain¹
judío tjin¹-li², cja¹nca³ n²ion¹ nta³
?ya³ta²coin²³ cjoa⁴te¹xo³ma³, c²oa⁴
n²o²sje³je³yai³ yao³-li⁴ nca³ Ni³na¹
?yai³. ¹⁸Nta³ ?yai³ jo³-s²in² me³-le⁴
Ni³na¹. Nta³ ch²a²sjai³ xi³ nqui²sa⁴
nta³ tjin¹, nca³ je² cjoa⁴te¹xo³ma³
xi³ tso²ya³-li². ¹⁹N²ion¹t²a³-ta³coin²³
yao³-li⁴ nca³ ji³ xi³ va³co²-lai⁴ ntia⁴²
xi³ xca⁴ cjoan³. Ji³ xi³ ni²²i³sen³-lai⁴
xi³ njion²jin³ tji¹. ²⁰Ji³ xi³ va³co²ya³-
lai⁴ xi³ tsi² tsa² jme³ xi³ ma³-le⁴, nca³
maestro-le⁴ xti³ mai³, nca³ ya⁴jin³
cjoa⁴te¹xo³ma³ tjin¹-li² jo³ tjin¹

cjoa⁴chji⁴ne⁴ cao⁴ xi³ cjoa⁴qui²xi⁴.
²¹Ji³-?ni³ xi³ va³co²ya³-lai⁴ xi³ cja⁴?ai¹,
a³ tsi² ?mi²ya³-lai⁴ yao³-li⁴. Ji³ xi³
no²cjoa⁴yai³ nca³ tsi² tsa² coan⁴ nca⁴
si⁴che¹, a³ ni²che¹-ni¹³. ²²Ji³ xi³ si³
nca³ tsi² tsa² coan⁴ si⁴cha³jnqui³t²a³²,
a³ ni²cha³jnqui³t²a³-ni¹³. Ji³
xi³ ch²ao³chai³ xco¹son², a³
ni²che¹t²a³-ni¹³ yo⁴nco⁴-le⁴. ²³Ji³ xi³
ch²a²sje³je³yai³ yao³-li⁴ nca³ tjin¹-
li² cjoa⁴te¹xo³ma³, a³ tsi² tsa² taon³
?yai³ Ni³na¹ nca³ cjoa⁴te¹xo³ma³
vi³tja³to³ntjai²-lai⁴. ²⁴Je² jan³⁷ain¹-
le⁴ Ni³na¹ no²cjoa⁴aon³-le⁴ xi³
to⁴t²a³tsaon⁴³ ya⁴jin³-le⁴ cho⁴ta⁴ xi³
li² judío-jin², jo³-s²in² tji¹t²a³. ²⁵Je²
cjoa⁴circuncisión ña³qui³ chji¹-le⁴
tsa² si⁴tjo³son²-lai⁴ cjoa⁴te¹xo³ma³,
to⁴nca³ tsa² ji³ coi⁴tja¹to³ntjai²-lai⁴
cjoa⁴te¹xo³ma³, je² cjoa⁴circuncisión
c²oa⁴coan⁴-li² jo³-ni³ xi³ tsin²-
le⁴ cjoa⁴circuncisión. ²⁶C²oa⁴ tsa²
je² xi³ tsin²-le⁴ cjoa⁴circuncisión
xi³ si¹tjo³son²-le⁴ cjoa⁴ xi³ v²e¹ne²
cjoa⁴te¹xo³ma³, nta³ tsa² tsin²-
le⁴ cjoa⁴circuncisión, c²oa⁴-ti⁴s²in²
ma³xqui⁴cao⁴ jo³-ni³ tsa² xi³
cjoa⁴circuncisión. ²⁷Je² xi³ tsin²-
le⁴ cjoa⁴circuncisión, to⁴nca³ n²ion¹
nta³ si¹tjo³son²-le⁴ cjoa⁴te¹xo³ma³,
si⁴²cja³a¹-li² cjoa⁴?i²ain³ nca³ ji³ xi³
vi³tja³to³ntjai²-lai⁴ cjoa⁴te¹xo³ma³,
nta³ tsa² tjin¹-li² cjoa⁴te¹xo³ma³ xi³
tji¹t²a³ xon⁴, c²oa⁴ nta³ tsa² tjin¹-li²
cjoa⁴circuncisión. ²⁸Nca⁴ li² judío-jin²
je² xi³ to⁴xquia⁴ c²oa⁴cji³ nca³ judío
ni¹, ni⁴coi³-jin² xi³ cjoa⁴circuncisión
xi³ to⁴xquia⁴ c²oa⁴cji³ je² xi³ ts²e⁴
yao³-le⁴ cho⁴ta⁴. ²⁹To⁴nca³ je² xi³
ñña³qui³ judío xi³ ñña³qui³ c²oa⁴cjoan³
ni⁴ma⁴-le⁴. C²oa⁴ je² xi³ ñña³qui³
cjoa⁴circuncisión je² xi³ ñña³qui³ ts²e⁴
ni⁴ma⁴-na¹, ts²e⁴ espíritu, li²coi³

to⁴ts²e⁴ xi³ tji¹t²a³, je² xi³ li²coi³
 vi³tjo³nta³-ni³ cho⁴ta⁴, to⁴nca³ Ni³na¹
 xi³ v²a³sje³nta³.
3 Jme¹-ni^{3?}ni³ xi³ tjin¹-sa³le⁴
 cho⁴ta⁴ judío. A³xo⁴ jme¹ xi³
 chji¹-le⁴ cjoa⁴circuncisión. **2**Cjai¹nca³
 ncjin² c²a³ chji¹-le⁴. Xi³ ti¹tjon²,
 nca⁴ je² en¹-le⁴ Ni³na¹ tsa³c²ai²-le⁴
 cho⁴ta⁴ judío nca³ coan⁴tjao²-le⁴.
3C'oa⁴ jme¹-ni³, tsa² tjin¹ c²a³ xi³
 tsi²coi³ coan³cjain¹-le⁴. Je² xi³ tsi²coi³
 ma³cjain¹-le⁴, a³ c²oe⁴chjoa²-le⁴
 cjoa⁴qui²xi⁴-le⁴ Ni³na¹. **4**Ni^{4?}i⁴tse¹-
 jin². To⁴sa³ ca²ta³ma³ qui²xi⁴ Ni³na¹,
 to⁴nca³ ca²ta³vi³tjo³ nti³so³ nca³ts²i³
 cho⁴ta⁴, jo³-s²in² nca³ tji¹t²a³: Jme¹-
 ni³ nca³ coi⁴tjo³qui²xi⁴-ni³ jo³ tso²
 en¹ xi³ v²ai²³, c²oa⁴ si⁴qui³njain³
 c²ia⁴ nca³ s²e⁴nta³jin³-li². **5**C'ia⁴ tsa²
 je² cjoa⁴ts²en⁴-na¹ v²e¹jna³tsen³
 cjoa⁴qui²xi⁴-le⁴ Ni³na¹, jo¹ coi⁴xoan¹-
 ni³. **A**³ tjin¹-le⁴ cjoa⁴ts²en⁴ Ni³na¹ nca³
 tsjao¹-na¹ cjoa⁴ñ?ain³. (Nchja²³-nia¹³
 jo³-ni³ tsa² cho⁴ta⁴). **6**Ni^{4?}i⁴tse¹-
 jin² c²oa⁴tjin¹. C'ia⁴ tsa² c²oa⁴tjin¹
 cjoa⁴, jo¹-s²in² c²oc⁴nta³jin³-le⁴ni³
 son^{3?}nte³-vi⁴ Ni³na¹. **7**Tsa² an³ li²coi³
 qui³si³jncoa³ en¹-na⁴, to⁴nca³ coi³
 cjoa⁴-vi⁴ nca³ nqui²sa⁴ n²ion¹ nta³
 va³co²son²tsen³ cjoa⁴qui²xi⁴-le⁴ Ni³na¹
 t²a³ts²e⁴ cjoa⁴je³ya³-le⁴, a¹-ni³ nca³
 to⁴jo³ c²oa⁴-s²in² an³ s²e³-si¹ni³na³
 cjoa⁴ñ?ain³ jo³-ni³ tsa² cho⁴ta⁴je¹.
8Tjin¹ c²a³ xi³ no²cjoa⁴aon³-na³jin⁴,
 xi³ c²oa⁴tso² nca³ jin⁴ xo⁴ vi³xoin¹⁴-
 jin⁴: **A**³ c²oa⁴s²ian⁴² cjoa⁴ts²en⁴,
 jme¹-ni³ nca³ coan⁴-si¹ni³ xi³ nta³
 tjin¹. Je² cjoa⁴ñ?ain³-le⁴ xi³ c²oa⁴cjoan³
 tjin¹-le⁴ cjoa⁴qui²xi⁴.

Nca³ts²i³ cho⁴ta⁴ tji¹nqui³-le⁴ je¹
9Jme¹-ni^{3?}ni³. **A**³ nqui²sa⁴ tjin¹-
 sa³na¹ ña¹-vi⁴ cao⁴ je². Ni^{4?}i⁴tse¹-jin².

Je³tsa³ca³nquia²³ cho⁴ta⁴ judío
 cao⁴ cho⁴ta⁴ xi³ li² judío-jin², nca³
 nca³ts²i³ tji¹nqui³-le⁴ je¹. **10**Jo³-s²in²
 tji¹t²a³: Tsin² xi³ cho⁴ta⁴cjoa⁴qui²xi⁴-
 jin², ni⁴jnco³-jin². **11**Tsin² xi³ nch²oe¹,
 tsin² xi³ va¹sjai³ Ni³na¹. **12**Nca³ts²i³
 tsa³qui³ncha³xin²-ni¹. Nca³ts²i³
 li²jme³ ti⁴chji¹-ni³le⁴. Ni^{4?}ya³-jin²
 xi³ s²in¹ cjoa⁴nta³, ni⁴jnco³-jin².
13Na⁴xa⁴jta⁴-le⁴ c²oa⁴-s²in² jo³-ni³
 nco³ya³-le⁴ tsjoi¹ xi³ ti⁴x²a⁴. Cao⁴
 ni⁴jen⁴ v²a³na⁴cha⁴-ni³ jo³-ni³ tsa²
 xan¹-le⁴ ye⁴ xi³ tji¹nqui³ čhjoa⁴ts²oa³.
14Je² ts²oa³ ña³qui³ tji¹qui³tse³ xi³
 ch²ao³ tso², c²oa⁴ xi³ cjai¹nca³ jnčha³.
15Cjai¹nca³ chji¹nca³ ntso⁴co⁴ nca³
 njin¹ v²e¹jen³. **16**Si¹cje³jco³yi³je³,
 cjoa⁴va³ si¹ca³tio¹ ya⁴ya³ ntia⁴²-
 le⁴. **17**Je² ntia⁴² xi³ nch²an¹ tjin¹
 li²coi³ ve³. **18**Li²coi³ tsa³cjon¹que³
 Ni³na¹ ya⁴jin³ cjoa⁴fa^{3?}ai³tsjen³-le⁴.
19To⁴nca³ ?ya³-nia¹ nca³ nca³yi³je³ xi³
 tso² cjoa⁴te¹xo³ma³ nchja⁴-le⁴ je² xi³
 cjoa⁴te¹xo³ma³ tji¹nqui³-le⁴, jme¹-ni³
 nca³ nca³ts²i³ ts²oa³ s²e⁴chjoa²-
 ni³, c²oa⁴ nca³ts²i³ cho⁴ta⁴son^{3?}nte³
 na³nqui³ c²oe⁴yo³-si¹ni³le⁴
 cjoa⁴te¹xo³ma³-le⁴ Ni³na¹. **20**Nca⁴
 ni⁴jnco³-jin² cho⁴ta⁴ xi³ cjoe⁴t²a³-
 le⁴ je¹ ya⁴ nqui³xcon⁴ Ni³na¹ nca³
 c²oa⁴s²in¹ jo³ tso² cjoa⁴te¹xo³ma³,
 nca⁴ to⁴t²a³ts²e⁴ cjoa⁴te¹xo³ma³ ?ya³-
 le⁴ je¹.

S²e³-na¹ cjoa⁴qui²xi⁴-le⁴ Ni³na¹
 xi³ to⁴t²a³ts²e⁴ nca³ ma³cjain¹-
 na¹ t²a³ts²e⁴ Cristo

21To⁴nca³ nt²ai⁴-vi⁴ntai⁴ t²a³xin² xi³
 cjoa⁴te¹xo³ma³ ?mi², je² cjoa⁴qui²xi⁴-
 le⁴ Ni³na¹ je³coan³tsen³. Testigo
 coan³-le⁴ je² cjoa⁴te¹xo³ma³
 cao⁴ cho⁴ta⁴ xi³ qui³nchja⁴ya³
 t²a³ts²e⁴ Ni³na¹. **22**Je³coan³tsen³

je² cjoa⁴qui²xi⁴-le⁴ Ni³na¹ t²a³ts²e⁴
 nca³ts²i³ xi³ ma³cjain¹-le⁴, xi³
 to⁴t²a³ts²e⁴ nca³ ma³cjain¹-le⁴ t²a³ts²e⁴
 Cristo. Nca⁴ to⁴nco¹son² fi²cao⁴
 nca³ts²i³. ²³Nca³ts²i³ tsa³jnqui³ je¹,
 li²coi³ nta³ vi³tjo³ nqui³xcon⁴ Ni³na¹.
²⁴Fe³t²a³-le⁴ je¹ xi³ to⁴cjoa⁴tja², xi³
 to⁴t²a³ts²e⁴ cjoa⁴nta³-le⁴ Ni³na¹, nca⁴
 Cristo tsa³c²e¹chji¹ntjai² xi³ t²a³ts²e⁴.
²⁵Ni³na¹ qui³si³c²e¹jna³son²tsen³
 Cristo nca³ coan³-le⁴ je¹ntjai²-
 na¹ cao⁴ njin¹-le⁴. Ña¹chjoe¹ coi³
 cjoa⁴nta³-vi⁴ nca³ ma³cjain¹-
 na¹. C²oa⁴-s²in² s²e³son²tsen³
 cjoa⁴qui²xi⁴-le⁴ Ni³na¹, nta³ tsa² cao⁴
 cjoa⁴tse³jta³-le⁴ qui³si³c²a³to³-ni³ je¹
 xi³ je³ja³a³to³. ²⁶C²oa⁴coan³, jme¹-ni³
 nca³ c²oa⁴-s²in² s²e³son²tsen³-si¹ni³
 cjoa⁴qui²xi⁴-le⁴ Ni³na¹ ni⁴chjin³ je²-
 vi⁴, c²oa⁴ jme¹-ni³ nca³ jcha⁴-si¹ni³
 nca³ Ni³na¹ tjin¹-le⁴ cjoa⁴qui²xi⁴ c²oa⁴
 nca³ si¹cje³t²a³ je¹-le⁴ cho⁴ta⁴ xi³
 ma³cjain¹-le⁴ t²a³ts²e⁴ Jesú. ²⁷Jo¹-
 s²in² coan⁴-nia¹ nca³ ch²a³sje³je³ya³²
 yao³-na¹. A³li²coi³ coan⁴. Tji¹chjoe²-
 na¹. Jña¹-le⁴ cjoa⁴te¹xo³ma³ xi³
 tji¹chjoe²-ni³na¹. A³ je² xi³ ts²e⁴
 jo³ n²ian². Ma³jain², to⁴nca³ je² xi³
 ts²e⁴ nca³ ma³cjain¹-na¹. ²⁸C²oa⁴-
 s²in² nta³ cho¹son²-ni³le⁴² nca³
 cho⁴ta⁴ fe³t²a³-na¹ je¹ to⁴t²a³ts²e⁴
 nca³ ma³cjain¹-na¹, t²a³xin² je² xa¹
 xi³ ts²e⁴ cjoa⁴te¹xo³ma³. ²⁹Ni³na¹, a³
 to⁴Ni³na¹ xi³ ts²e⁴ cho⁴ta⁴ judío. A³
 tsi² c²oa⁴-ti⁴ Ni³na¹ xi³ ts²e⁴ cho⁴ta⁴
 xi³ li² judío-jin². Cjoa⁴qui²xi⁴-jin²,
 c²oa⁴-ti⁴ Ni³na¹ xi³ ts²e⁴ cho⁴ta⁴ xi³
 li² judío-jin². ³⁰Nca⁴ to⁴jnco³ Ni³na¹
 xi³ si⁴²cje³t²a³ je¹-le⁴ cho⁴ta⁴ xi³ ts²e⁴
 cjoa⁴circuncisión xi³ to⁴t²a³ts²e⁴
 nca³ ma³cjain¹-le⁴, c²oa⁴ xi³
 si⁴²cje³t²a³ je¹-le⁴ cho⁴ta⁴ xi³ tsin²-
 le⁴ cjoa⁴circuncisión, xi³ to⁴t²a³ts²e⁴

nca³ ma³cjain¹-le⁴. ³¹A³ ni²cha³-nia¹
 cjoa⁴te¹xo³ma³ xi³ to⁴t²a³ts²e⁴ nca³
 ma³cjain¹-na¹. Ni⁴i⁴tse¹-jin². To⁴sa³
 si⁴c²e¹jna³nta³² cjoa⁴te¹xo³ma³.

4 **Jo³-s²in² nca³ coan³cjain¹-le⁴ Abraham** t²a³ts²e⁴ Ni³na¹
 Jme¹ xi³ coi⁴xoan¹-ni³, jme¹
 xi³ qui³sa³co³-le⁴ Abraham
 je² n²ai³-na¹ jo³ cjoan³ yao³-na¹.
²Tsa² je¹-le⁴ Abraham je³t²a³-le⁴ xi³
 to⁴t²a³ts²e⁴ xi³ qui³s²in³, tjin¹-le⁴ jo³-
 s²in² nca³ v²a³sje³je³ya³-ni³ yao³-le⁴,
 to⁴nca³ li²coi³ nqui³xcon⁴ Ni³na¹.
³Jo¹ tso² xon⁴ Escritura. Abraham
 coan³cjain¹-le⁴ t²a³ts²e⁴ Ni³na¹.
 C²oa⁴-s²in² Ni³na¹ cho⁴ta⁴cjoa⁴qui²xi⁴
 qui³tso²-le⁴. ⁴T²a³ts²e⁴ je² xi³ si¹xa¹,
 je² chji¹-le⁴ li²coi³ ma³xqui⁴cao⁴
 jo³-ni³ tsa² xi³ to⁴cjoa⁴tja²,
 to⁴nca³ jo³-ni³ tsa² xi³ qui³tjen⁴
 xi³ t²a³ts²e⁴. ⁵To⁴nca³ t²a³ts²e⁴ je²
 xi³ tsi² si¹xa¹, to⁴nca³ ma³cjain¹-le⁴
 t²a³ts²e⁴ Ni³na¹ xi³ si¹cje³t²a³ je¹-
 le⁴ cho⁴ta⁴ xi³ tsi² ve³xcon¹ nca³
 je², to⁴coi³ tsa² nca³ ma³cjain¹-le⁴,
 cho⁴ta⁴cjoa⁴qui²xi⁴ tso²-le⁴. ⁶Jo³-
 s²in² c²oa⁴-ti⁴ je² David qui³tso²:
 Jo¹ to⁴nta³-le⁴ je² cho⁴ta⁴ xi³ Ni³na¹
 cho⁴ta⁴cjoa⁴qui²xi⁴ tso²-le⁴, t²a³xin²
 xa¹-le⁴. ⁷Qui³tso²: Jo¹ to⁴nta³-le⁴
 je²-ve⁴ xi³ cjoa⁴ts²a³ntjai²cjoa⁴-
 le⁴ qui³cha³t²a³, c²oa⁴ xi³ je¹-le⁴
 qui³s²e³ma³. ⁸Jo¹ to⁴nta³-le⁴
 je² cho⁴ta⁴ xi³ Nai³-na¹ li²coi³
 si¹c²a³xqui⁴cao⁴je¹-le⁴. ⁹Je² cjoa⁴nta³
 je²-vi⁴ a³ to⁴jnco³ ts²e⁴ xi³ tjin¹-le⁴
 cjoa⁴circuncisión, a³xo⁴ c²oa⁴-ti⁴
 ts²e⁴ xi³ tsin²-le⁴ cjoa⁴circuncisión-
 jin². Nca⁴ vi³xon¹-nia¹ nca³ Abraham
 cho⁴ta⁴cjoa⁴qui²xi⁴ qui³tso²-le⁴
 nca³ coan³cjain¹-le⁴. ¹⁰Jo¹-s²in²ni³
 nca³ cho⁴ta⁴cjoa⁴qui²xi⁴ qui³tso²-

le⁴. A³ c²ia⁴² nca³ je³qui³s²e³-le⁴
 cjoa⁴circuncisión a³xo⁴ c²ia⁴ nca³
 cje³ tjin¹-jin²le⁴. A³li² c²ia⁴ nca³
 je³qui³s²e³-le⁴ cjoa⁴circuncisión,
 to⁴nca³ c²ia⁴ nca³ cje³ tjin¹-jin²le⁴.
11 C²oa⁴ cjoa⁴circuncisión coan³-
 le⁴ jo³-ni³ tsa² choa⁴, c²oa⁴ sello
 xi³ coi³ cjoa⁴qui²xi⁴ xi³ qui³s²e³-le⁴
 nca³ coan³cjain¹-le⁴ c²ia⁴ nca³ cje³
 tjin¹-jin²le⁴ cjoa⁴circuncisión. Coi³
 c²oa⁴-s²in² nca³ n²ai³-le⁴ nca³ts²i³
 cho⁴ta⁴ coan⁴-si¹ni³ xi³ ma³cjain¹-
 le⁴ nca³ tsin²-le⁴ cjoa⁴circuncisión,
 jme¹-ni³ nca³ cho⁴ta⁴cjoa⁴qui²xi⁴
 coi⁴tso⁴-si¹ni³le⁴ nta³ tsa² je².
12 C²oa⁴-ti³s²in² n²ai³-le⁴ coan³ xi³
 tjin¹-le⁴ cjoa⁴circuncisión. A³li²
 tsa² to⁴jnco³ je²-jin² xi³ tjin¹-
 le⁴ cjoa⁴circuncisión, to⁴nca³
 c²oa⁴²-ti⁴ je² xi³ fi²tjen⁴nqui³-
 le⁴ ntia⁴²-le⁴ Abraham, jo³-s²in²
 coan³cjain¹-le⁴ nca³ cje³ tjin¹-jin²le⁴
 cjoa⁴circuncisión.

Ni³na¹ qui³si³s²e³nqui³-
 le⁴ Abraham cjoa⁴tjao² xi³
 to⁴t²a³ts²e⁴ nca³ coan³cjain¹-le⁴
13 Nca⁴ Ni³na¹ qui³si³s²e³nqui³-le⁴
 Abraham cao⁴ ntje⁴-le⁴ nca³ s²e⁴-
 le⁴ cjoa⁴tjao² son³nte³-vi⁴, a³li²
 to⁴t²a³ts²e⁴-jin² cjoa⁴te¹xo³ma³,
 to⁴nca³ to⁴t²a³ts²e⁴ je² cjoa⁴qui²xi⁴
 xi³ qui³s²e³-le⁴ nca³ coan³cjain¹-
 le⁴. **14** Tsa² je² cho⁴ta⁴ xi³ ts²e⁴
 cjoa⁴te¹xo³ma³ s²e⁴-le⁴ cjoa⁴tjao²,
 li²jme³-jin² chji¹-le⁴ xi³ ma³cjain¹-
 na¹ni³, c²oa⁴ qui³cha³ xi³ Ni³na¹
 qui³tsjao³ ts²oa³. **15** Je² cjoa⁴te¹xo³ma³
 si¹c²e¹jna³ne² cjoa⁴ñ²ain³, to⁴nca³ ya⁴
 jña³ nca³ tsin² cjoa⁴te¹xo³ma³-jin²,
 c²oa⁴²-ti⁴ tsin² xi³ fa³a³to³ntjai²-le⁴.
16 Coi³ nca³ c²oa⁴ma³ xi³ to⁴t²a³ts²e⁴
 nca³ ma³cjain¹-na¹, jme¹-ni³ nca³

c²oa⁴ma³-si¹ni³ to⁴cao⁴ cjoa⁴nta³-le⁴
 Ni³na¹, c²oa⁴ jme¹-ni³ nca³ je² xi³
 Ni³na¹ qui³tsjao³-ni³ ts²oa³ ña³qui³
 tjin¹qui²xi⁴-ni¹ t²a³ts²e⁴ nca³ts²i³
 ntje⁴-le⁴, a³li² to⁴je²-jin² xi³ ts²e⁴
 cjoa⁴te¹xo³ma³, to⁴nca³ c²oa⁴²-
 ti⁴ je² xi³ ma³cjain¹-le⁴ jo³-s²in²
 coan³cjain¹-le⁴ Abraham xi³ n²ai³-
 na¹ nca³ts²ia³². **17** (Jo³-s²in² tji¹t²a³:
 N²ai³-le⁴ xi³ ncjin² na⁴xi⁴na³nta¹
 qui³si³c²e¹jna³-le²³.) C²oa⁴coan³
 nqui³xcon⁴ Ni³na¹. Abraham
 coan³cjain¹-le⁴ t²a³ts²e⁴ Ni³na¹, je² xi³
 tsjao¹-le⁴ cjoa⁴vi³jna³chon³ xi³ c²en³,
 c²oa⁴ nchja⁴-le⁴ cjoa⁴ xi³ tsin² jo³-
 ni³ tsa² xi³ tjin¹. **18** C²ia⁴ nca³ li²jme³
 ti⁴tjin¹-ni³le⁴ cjoa⁴cho³ya²cao⁴cjoa⁴,
 to⁴jo³ cao⁴ cjoa⁴cho³ya²cao⁴cjoa⁴
 coan³cjain¹-ni³le⁴ Abraham, nca³
 coan⁴ n²ai³-le⁴ ncjin² na⁴xi⁴na³nta¹,
 jo³-s²in² nca³ tsa³c²in²-le⁴: C²oa⁴²-
 s²in² coan⁴ ntje⁴-li⁴. **19** Li²coi³
 coan³i³nta³jin³ jo³-s²in² coan³cjain¹-
 le⁴, c²ia⁴ nca³ qui³si³cja³ai³tsjen³
 jo³-ni³ tsa² je³c²en³ yao³-le⁴ (nca³
 je³me³ jnco³ ciento no¹-le⁴), c²oa⁴
 c²ia⁴ nca³ qui³si³cja³ai³tsjen³ nca³
 nti⁴ Sara. **20** To⁴nca³ nta³ coan³cjain¹-
 le⁴. Li²coi³ jao² tsa³c²e¹-con³ xi³
 t²a³ts²e⁴ xi³ Ni³na¹ qui³tsjao³-le⁴
 ts²oa³. To⁴sa³ nqui²sa⁴ n²ion¹ nta³
 coan³cjain¹-le⁴, ts²a³sje³je³ya³ Ni³na¹,
21 c²oa⁴ n²ion¹ nta³ tsa³c²e¹-le⁴con³
 nca³ nca³yi³je³ xi³ Ni³na¹ qui³tsjao³-
 le⁴ ts²oa³, c²oa⁴-ti⁴ Ni³na¹ tjin¹-le⁴
 nca³n²ion¹ nca³ c²oa⁴s²in⁴². **22** Coi³
 nca³ Ni³na¹ cho⁴ta⁴cjoa⁴qui²xi⁴
 qui³tso²-le⁴. **23** A³li² tsa² to⁴je²-
 jin² t²a³ts²e⁴ nca³ qui³chji³-ni³ nca³
 cho⁴ta⁴cjoa⁴qui²xi⁴ qui³tso²le⁴,
24 to⁴nca³ c²oa⁴-ti⁴ t²a³tsan⁴² xi³
 cho⁴ta⁴cjoa⁴qui²xi⁴ coi⁴tso⁴-na¹, ña¹
 xi³ ma³cjain¹-na¹ t²a³ts²e⁴ Ni³na¹

xi³ qui³si³cja^{3?}a¹ya³-ni³le⁴ Jesús,
 Nai³-na¹, ya⁴jin³-le⁴ c⁷en³. **25** Je² xi³
 qui³ni²c⁷en³ t²a³ts²e⁴ cjoa⁴ts²en⁴-na¹,
 c⁷oa⁴ xi³ ja^{3?}a²ya³-le⁴ jme¹-ni³ nca³
 cjoe⁴t²a³-si¹ni³ je¹-na¹.

Fe³t²a³ je¹-na¹ xi³ to⁴t²a³ts²e⁴
nca³ ma³cjain¹-na¹

5 Coi³ nca³ je³t²a³ je¹-na¹ xi³
 to⁴t²a³ts²e⁴ nca³ ma³cjain¹-
 na¹, tjin¹-na¹ cjoa⁴ xi³ nch⁷an¹ tjin¹
 t²a³ts²e⁴ Ni³na¹, xi³ to⁴t²a³ts²e⁴
 Nai³-na¹ Jesucristo. **2** Xi³ to⁴t²a³ts²e⁴
 Cristo c⁷oa⁴-ti⁴ qui³sa³co³-na¹ ?nte³
 nca³ ji³tja³s²en³² je² cjoa⁴nta³-vi⁴,
 nca⁴ ma³cjain¹-na¹ t²a³ts²e⁴. N?ion¹
 nta³ ti³yo³jin³-le⁴² coi³ cjoa⁴nta³-
 vi⁴, c⁷oa⁴ ch²a²sje³je³ya³² yao³-na¹
 t²a³ts²e⁴ cjoa⁴cho³ya²cao⁴cjoa⁴ xi³
 tjin¹-na¹ nca³ c⁷oa⁴cao⁴t²a³-na¹
 cjoa⁴je³ya³-le⁴ Ni³na¹. **3** A³li² tsa²
 to⁴coi³ je²-vi⁴, to⁴nca³ c⁷oa⁴-
 ti⁴ ch²a²sje³je³ya³² yao³-na¹
 t²a³ts²e⁴ cjoa⁴fi²ain³ xi³ tjin¹-na¹,
 nca³ y³ya³² nca³ je² cjoa⁴ñ²ain³-ve⁴
 si¹jcha¹jin³-na¹ cjoa⁴tse³jta³. **4** Je²
 cjoa⁴tse³jta³-ve⁴ si¹jcha¹jin³-na¹
 nca³ nta³ coi²tjoa⁴². C⁷oa⁴ nca³ nta³
 coi²tjoa⁴², coi³ xi³ si¹jcha¹jin³-
 na¹ cjoa⁴cho³ya²cao⁴cjoa⁴. **5** C⁷oa⁴
 je² cjoa⁴cho³ya²cao⁴cjoa⁴ a³li²coi³
 si¹soa³, nca⁴ je² cjoa⁴tja²cha³-le⁴
 Ni³na¹ qui³si³tse³ya³ ni⁴ma⁴-na¹
 xi³ to⁴t²a³ts²e⁴ je² Espíritu Santo
 xi³ tsa³c²ai²-na¹. **6** C⁷ia⁴ nca³ to⁴jo³
 i³nta³jin³-sa³na¹, coi³ ni⁴čhjin³
 xi³ qui³s²e³choa⁴ nca³ Cristo
 c⁷en³ xi³ t²a³ts²e⁴ xi³ tsi² ve³xcon¹
 Ni³na¹. **7** Xi³ cjoa⁴qui²xi⁴ li²coi³-
 la⁴ coi⁴ya²ntjai² jnco³ cho⁴ta⁴ xi³
 t²a³ts²e⁴ cho⁴ta⁴cjoa⁴qui²xi⁴, to⁴nca³
 tsa² coi³ ni⁴čhjin³ nca³ jnco³ xi³
 coan⁴n?ion¹con³ nca³ coi⁴ya²ntjai² xi³

t²a³ts²e⁴ jnco³ cho⁴ta⁴nta³. **8** To⁴nca³
 Ni³na¹ va³co¹qui²xi⁴ cjoa⁴tjao²cha³-
 le⁴ xi³ t²a³tsan⁴² nca³ Cristo c⁷en³ xi³
 t²a³tsan⁴², c⁷ia⁴ nca³ to⁴jo³ cho⁴ta⁴je¹
 nia¹. **9** To⁴coi³ cjoa⁴ nca³ nt²ai⁴-vi⁴
 je³je³t²a³ je¹-na¹ xi³ to⁴t²a³ts²e⁴ njin¹-
 le⁴, nqui²sa⁴-jin² n?ion¹ cjoa⁴qui²xi⁴
 nca³ coi²tjo⁴ntjai²-nia¹ je² cjoa⁴jt¹-
 le⁴ Ni³na¹ xi³ to⁴t²a³ts²e⁴ Cristo.
10 Ts²a² c⁷ia⁴ nca³ co²ntran⁴-na¹ coan³
 Ni³na¹, ti⁴je²-ni³ qui³si³cjao¹nta³-
 na¹ ti⁴t²a³ts²e⁴-ni³ xi³ to⁴t²a³ts²e⁴
 cjoa⁴vi³ya³-le⁴ ?nti¹-le⁴, to⁴sa³
 nt²ai⁴, nca³ je³qui³cho³va²nta³-
 nia¹, coi²tjo⁴ntjai²-nia¹ xi³
 to⁴t²a³ts²e⁴ cjoa⁴vi³jna³chon³-le⁴.
11 A³li² tsa² to⁴je² je²-vi⁴, to⁴nca³
 c⁷oa⁴²-ti⁴ n²o²sje³je³ya³²sa³ Ni³na¹
 to⁴t²a³ts²e⁴ Nai³-na¹ Jesucristo.
 To⁴t²a³ts²e⁴ je³qui³chjoe¹ nt²ai⁴-vi⁴ je²
 cjoa⁴cho³va²nta³-vi⁴.

Je² Adam c⁷oa⁴ je² Cristo

12 Coi³ je² xi³ je¹ ?mi² ja^{3?}a³s²en³jin³
 son³nte³ xi³ to⁴t²a³ts²e⁴ jnco³
 cho⁴ta⁴. C⁷oa⁴s²in² tjin¹ cjoa⁴vi³ya³
 xi³ to⁴t²a³ts²e⁴ je¹-ve⁴. C⁷oa⁴
 je² cjoa⁴vi³ya³-ve⁴ c⁷oa⁴s²in²
 qui³tsao³t²a³-le⁴ nca³ts²i³ cho⁴ta⁴,
 nca⁴ tsa³jnqui³ je¹ nca³ts²i³.
13 Ti¹tjon² nca³ ja^{3?}ai³ cjoa⁴te¹xo³ma³,
 tjin¹ je¹ i⁴ son³nte³-vi⁴, to⁴nca³
 li²coi³ ma³xqui⁴t²a³ je¹, tsa² tsin²
 cjoa⁴te¹xo³ma³. **14** To⁴nca³ cjoa⁴vi³ya³
 tsa³ca³te¹xo³ma³ ni⁴čhjin³-
 le⁴ Adam sa^{3?}nta³ ni⁴čhjin³-le⁴
 Moisés. Tsa³ca³te¹xo³ma³-le⁴ nta³
 tsa² je² xi³ tsi² je¹ tsa³jnqui³ jo³
 qui³s²in³ Adam nca³ ja^{3?}a³to³ntjai²-
 le⁴ cjoa⁴te¹xo³ma³. Je² Adam
 nco³ya³-le⁴ je² xi³ cjoa⁴ai¹.
15 To⁴nca³ je² cjoa⁴tjao²-le⁴ Ni³na¹,
 a³li² c⁷oa⁴-s²in² coan³ jo³-ni³ tsa²

je² cjoa⁴ts²a³ntjai²cjoa⁴. Nca⁴ tsa²
 ncjin² xi³ c²en³ xi³ to⁴t²a³ts²e⁴ je¹-le⁴
 jnco³ cho⁴ta⁴-ve⁴, nqui²sa⁴ n²ion¹
 coan³ncjin²ya³ cjoa⁴nta³-le⁴ Ni³na¹
 xi³ t²a³ts²e⁴ xi³ ncjin² ma³-ni³,
 c²oa⁴ je² cjoa⁴tja² coan³ncjin²ya³
 xi³ to⁴t²a³ts²e⁴ cjoa⁴nta³-le⁴
 jnco³ cho⁴ta⁴ xi³ Jesucristo.

16 Je² cjoa⁴tja²-le⁴ Ni³na¹ li²coi³
 c²oa⁴coan³ jo³ coan³ je² je¹-ve⁴.
 C²ia⁴ nca³ Ni³na¹ tsa³c²e¹nta³jin³
 je² cjoa⁴ts²a³ntjai²cjoa⁴-
 ve⁴ xi³ jnco³ ma³-ni³, qui³s²e³
 cjoa⁴n²ain³, to⁴-nca³ je² cjoa⁴tja²
 ja³ai³ xi³ to⁴t²a³ts²e⁴ ncjin²
 cjoa⁴ts²a³ntjai²cjoa⁴, nca³ c²oa⁴-
 s²in² cjoe⁴t²a³ je¹-na¹. **17** C²ia⁴ tsa²
 to⁴t²a³ts²e⁴ jnco³ cjoa⁴ts²a³ntjai²cjoa⁴
 xi³ ts²e⁴ jnco³ cho⁴ta⁴-ve⁴,
 cjoa⁴vi³ya³ tsa³ca³te¹xo³ma³,
 nqui²sa⁴ to⁴n²ion¹ coa⁴te²xo³ma³
 je² cho⁴ta⁴ xi³ cjoe¹ xi³ n²ion¹ tse³
 cjoa⁴nta³ c²oa⁴ je² cjoa⁴tja² nca³
 je³t²a³ je¹-le⁴. Coa⁴te²xo³ma³ nca³
 c²oe¹jna³con³ntsjai² xi³ to⁴t²a³ts²e⁴
 jnco³ xi³ Jesucristo. **18** C²oa⁴-
 s²in² jo³-s²in² nca³ to⁴t²a³ts²e⁴ je²
 cjoa⁴ts²a³ntjai²cjoa⁴ xi³ ts²e⁴ jnco³
 cho⁴ta⁴-ve⁴ cjoa⁴n²ain³ qui³s²e³-
 le⁴ nca³ts²i³ cho⁴ta⁴, c²oa⁴-ti⁴s²in²
 to⁴t²a³ts²e⁴ je² cjoa⁴qui²xi⁴-le⁴ jnco³
 cho⁴ta⁴ cjoa⁴nta³ qui³s²e³-le⁴ nca³ts²i³
 cho⁴ta⁴, nca³ cjoe⁴t²a³ je¹-le⁴, c²oa⁴
 c²oa⁴-s²in² s²e³-le⁴ cjoa⁴vi³jna³chon³.
19 Jo³-s²in² nca³ cjai¹nca³ ncjin² xi³
 cho⁴ta⁴je¹ coan³ xi³ to⁴t²a³ts²e⁴ nca³
 jnco³ cho⁴ta⁴ xi³ tsi² qui³si³tjo³son²,
 c²oa⁴-ti⁴s²in² cjai¹nca³ ncjin² xi³
 cho⁴ta⁴cjoa⁴qui²xi⁴ coan⁴ xi³
 to⁴t²a³ts²e⁴ nca³ jnco³ cho⁴ta⁴
 xi³ qui³si³tjo³son². **20** To⁴nca³ je²
 cjoa⁴te¹xo³ma³ ja³a²s³en³t²a³, jme¹-
 ni³ nca³ je² cjoa⁴ts²a³ntjai²cjoa⁴-ve⁴

nqui²sa⁴ tse³ coan⁴-si¹ni³. To⁴-
 nca³ jñia³ nca³ je² je¹-ve⁴ coan³tse³,
 c²oa⁴-ti⁴ nqui²sa⁴ tse³ coan³-sa³
 cjoa⁴nta³. **21** Jo³-s²in² nca³ je² je¹-
 ve⁴ tsa³ca³te¹xo³ma³ xi³ t²a³ts²e⁴
 cjoa⁴vi³ya³, c²oa⁴-ti⁴s²in²ni³ je²
 cjoa⁴nta³-ve⁴ coa⁴te²xo³ma³ xi³
 to⁴t²a³ts²e⁴ cjoa⁴qui²xi⁴ nca³ s²e⁴
 cjoa⁴vi³jna³chon³ nca³ntsjai² xi³
 to⁴t²a³ts²e⁴ Jesucristo Nai³-na¹.

Jo³-ni³ tsa² ti³yo³c²en³²,
 li²coi³ ti⁴ñna¹ ⁷ya³-nia¹ je¹
6 Jme¹ xi³ coi⁴xoan¹-ni³. A³
 coi⁴jnchi¹-sa³² je¹, jme¹-
 ni³ nca³ nqui²sa⁴ coan⁴tse³-ni³
 cjoa⁴nta³. **2** Ni⁴?i⁴tse¹-jin². Ña¹
 xi³ jo³-ni³ tsa² ti³yo³c²en³², nca³
 li²coi³ ti⁴ñna¹ ⁷ya³-nia¹ je¹. Jo¹-s²in²
 ti⁴coi⁴yo³-sa³nia³² cao⁴ je¹. **3** A³xo⁴
 tsi² tsa² ⁷yao³ nca³ nca³ts²ia³² jo³
 tjin¹ ma³-nia³² xi³ qui³sa³te³nta¹t²a³-
 le⁴² Cristo Jesús, c²oa⁴-ti⁴
 qui³sa³te³nta¹t²a³² cjoa⁴vi³ya³-le⁴.
4 To⁴jnco³ qui³s²e³ñai³-nia¹ cao⁴ je²
 nca³ c²oa⁴-s²in² qui³sa³te³nta¹t²a³²
 cjoa⁴vi³ya³-le⁴, jme¹-ni³ nca³ c²oa⁴-
 ti⁴s²in²ni³ ña¹-vi⁴ coi⁴tso⁴ma²coa⁴²
 cjoa⁴vi³jna³chon³, jo³-s²in² nca³
 Cristo ja³a²ya³jin³-ni³le⁴ c²en³ xi³
 to⁴t²a³ts²e⁴ cjoa⁴je³ya³-le⁴ N²ai³-
 na¹. **5** C²ia⁴ tsa² c²oa⁴-s²in² to⁴jnco³
 coan³² cao⁴ je², jo³-ni³ tsa² c²en³²
 jo³-s²in² c²en³ nca³ je², c²oa⁴-
 ti⁴s²in² to⁴jnco³ coan⁴² cao⁴ je²
 nca³ cjoa⁴a¹ya³-na¹ jo³ coan³ nca³
 ja³a²ya³-le⁴ nca³ je². **6** ⁷ya³-nia¹
 je²-vi⁴ nca³ nca³yi³je³ jo³ cjoan³²
 nca³s²a⁴ to⁴jnco³ qui³s²e³t²a³ cro²
 cao⁴ Jesús, jme¹-ni³ nca³ je² yao³-na¹
 xi³ tjin¹-le⁴ je¹ s²e⁴chjoa²-si¹ni³le⁴,
 c²oa⁴ jme¹-ni³ nca³ tsi² ti⁴cjoa⁴n²ion¹
 coan⁴chjen¹-si¹ni³na¹ je¹-ve⁴. **7** Nca⁴

je² xi³ c²en³, je³t²a³ je¹-le⁴. ⁸C⁷ia⁴
 tsa² c²en³coa⁴² Cristo, ma³cjain¹-
 na¹ nca³ c²oa⁴-ti⁴ coi⁴yo³chon³coa⁴²
 nca³ je². ⁹?ya³-nia¹ nca³ Cristo li²coi³
 ti⁴coi⁴ya²-sa³ni³ nca³ ja³?a²ya³jin³-
 ni³le⁴ c²en³. Cjoa⁴vi³ya³ li²coi³
 ti⁴va³te¹xo³ma³-sa³ni³le⁴ nca³ je².
¹⁰C⁷ia⁴ nca³ c²en³ Cristo, to⁴jnc³ c²a³
 ntia³c²en³ t²a³ts²e⁴ je¹, to⁴nca³ nca³
 ti¹jna³con³, ti¹jna³con³-ni¹ t²a³ts²e⁴
 Ni³na¹. ¹¹C⁷oa⁴²-ti⁴s²in² nca³ jon²,
 cho¹son²-ni³lao⁴³ t²a³ts²e⁴ yao³-no³
 nca³ cjoa⁴qui²xi⁴ nca³ jo³-ni³ tsa²
 ti³yo³c²en³-nio¹³ ts²e⁴ je¹, to⁴nca³
 ti³yo³chon³-nio¹³ t²a³ts²e⁴ Ni³na¹ nca³
 ti³yo³cao⁴³ Cristo Jesús Nai³-na¹.
¹²Coi³ cjoa⁴ nca³ li² v⁷ai²²nte³-
 jin²lao⁴³ je¹-ve⁴ nca³ coa⁴te²xo³ma³
 ya⁴jin³ yao³-no³ xi³ vi³ya³, nca³
 c²oa⁴-s²in² si⁴jo³son²-ni³lao⁴³ xi³
 cjoa⁴chi⁴nca⁴-le⁴. ¹³Ni⁴i²ts¹-jin²
 v⁷ai²²nte³-lao⁴³ je¹ jo³ tjin¹ jco⁴ya³-
 le⁴ yao³-no³, nca³ cjoa⁴ts²en⁴
 si¹chjen¹. To⁴sa³ Ni³na¹ t²ai²²nte³-
 lao⁴³ yao³-no³, jo³-ni³ tsa² xi³ c²en³
 qui³ni²cja³a¹ya³-ni³le⁴, tjio¹con³-ni³
 nt²ai⁴-vi⁴. C⁷oa⁴-ti⁴ t²ai²²nte³-lao⁴³
 Ni³na¹ nca³yi³je³ jco⁴ya³-le⁴ yao³-no³,
 nca³ coan⁴chjen¹-le⁴ xi³ t²a³ts²e⁴ xi³
 cjoa⁴qui²xi⁴. ¹⁴Nca⁴ je² je¹-ve⁴ li²coi³
 coa⁴te¹xo³ma³-no³, nca³ tsi² tsa²
 na³nqui³ ti³yo³-lao⁴³ cjoa⁴te¹xo³ma³,
 to⁴nca³ na³nqui³ ti³yo³-lao⁴³
 cjoa⁴nta³-le⁴ Ni³na¹.

**Cho⁴²nta³ xi³ ts²e⁴ xi³
 cjoa⁴qui²xi⁴ ca²ta³ma³²**

¹⁵Jme¹-ni³²ni³. A³ coi⁴jnchi¹-
 nia¹ je¹ nca³ tsi² tsa² na³nqui³
 ti³yo³-le⁴² cjoa⁴te¹xo³ma³, to⁴nca³
 na³nqui³ ti³yo³-le⁴² cjoa⁴nta³.
 Ma³jain² ni⁴²i⁴ts¹-jin². ¹⁶A³ tsi²
 ?yao³ ?ya³-ni³ve⁴ xi³ c²oai⁴-lao⁴³

yao³-no³ nca³ cho⁴²nta³-le⁴ coaon⁴³
 nca³ si⁴tjo³son²-lao⁴³, jon² nio¹³ xi³
 ña³qui³ cho⁴²nta³-le⁴ mao³ je² xi³
 ni²tjo³son²-lao⁴³. Tsa² je² je¹-ve⁴
 xi³ cho⁴²nta³-le⁴ coaon⁴³, coi⁴ya²-
 nio¹³ni³, to⁴nca³ tsa² si⁴tjo³son²-lao⁴³
 Ni³na¹, c²oai⁴-no³ xi³ cjoa⁴qui²xi⁴.
¹⁷To⁴nca³ cjoa⁴nta³ c²oai⁴-le⁴² Ni³na¹
 nca⁴ jon² xi³ cho⁴²nta³-le⁴ je¹ coaon³,
 to⁴nca³ je³qui³ni²tjo³son²-lao⁴³
 cao⁴ ni⁴ma⁴-no³ jo³ cji³ choa⁴-le⁴
 cjoa⁴fa³ai³tsjen³ xi³ tsa³c²in²ya³-
 no³, jñia³-le⁴ xi³ qui³cha³ni²t²a³-lao⁴³
 yao³-no³. ¹⁸To⁴nca³ je³ji²tjo⁴ntai¹-
 lao⁴³ je² je¹. Je³coaon³ cho⁴²nta³-le⁴
 xi³ cjoa⁴qui²xi⁴. ¹⁹C⁷oa⁴ ti²si³chjen¹³
 en¹ jo³ tso²cho⁴ta⁴, nca⁴ to⁴choa³
 nca³n²ion¹ tjin¹-no³. Jo³-s²in²
 nca³ tsa³c²ai²²nte³-lao⁴³ nca³yi³je³
 jco⁴ya³-le⁴ yao³-no³ nca³ jo³ xi³
 cho⁴²nta³-s²in² coan³chjen¹-
 lao⁴³ xi³ ch²ao³ tjin¹ cao⁴ xi³
 cjoa⁴ts²a³ntjai²cjoa⁴ xi³ to⁴sin³
 to⁴nta³, c²oa⁴-ti⁴s²in² nt²ai⁴-vi⁴
 t²ai²²nte³-lao⁴³ nca³yi³je³ jco⁴ya³-le⁴
 yao³-no³ nca³ jo³ xi³ cho⁴²nta³-s²in²
 coan⁴chjen¹-lao⁴³ xi³ cjoa⁴qui²xi⁴,
 nca³ c²oa⁴-s²in² coan⁴tsje³-no³
 nca³ jon². ²⁰C⁷ia⁴ nca³ cho⁴²nta³-le⁴
 je¹ coaon³, tsa³qui³ma³ntai¹-lao⁴³
 xi³ cjoa⁴qui²xi⁴. ²¹Jme¹-ni³ xi³
 qui³si³jcha¹jin³-no³ je² cjoa⁴ je²-ve⁴,
 xi³ nt²ai⁴-vi⁴ntai⁴ ma³soa³-ni³no³.
 Je² xi³ cjoe⁴t²a³-le⁴ je² cjoa⁴-ve⁴,
 cjoa⁴vi³ya³ ni¹. ²²To⁴nca³ nt²ai⁴-
 vi⁴ntai⁴ nca³ je³ji²tjo⁴ntai¹-lao⁴³ je¹,
 c²oa⁴ cho⁴²nta³-le⁴ Ni³na¹ coaon³,
 c²oa⁴-s²in² cji³ma³jcha¹jin³-no³
 xi³ coan⁴tsje³jin³-ni³no³. C⁷oa⁴ xi³
 cjoe⁴t²a³-ni³ je²-vi⁴ cjoa⁴vi³jna³chon³
 nca³ntsjai² ni¹. ²³Nca⁴ je² chji¹-le⁴ je¹
 cjoa⁴vi³ya³ ni¹, to⁴nca³ je² cjoa⁴tja²-
 le⁴ Ni³na¹ cjoa⁴vi³jna³chon³

nca³ntsjai² ni¹, xi³ to⁴t⁷a³ts⁷e⁴ Cristo
Jesús Nai³-na¹.

Cjoa⁴nco¹son² t⁷a³ts⁷e⁴ cjoa⁴vi³xan³
7 A³ tsi² tsa² yao³, nts²e³,
 (nca³ fa³coa⁴ je² xi³
 ve³ cjoa⁴te¹xo³ma³) nca³ je²
 cjoa⁴te¹xo³ma³ va³te¹xo³ma³-le⁴
 cho⁴ta⁴ c⁷ia⁴ nca³ ti¹jna³con³-sa³.
2 Je² chjon⁴² xi³ je³chi³xan³ na³nqui³
 ti¹jna³-le⁴ x²in⁴-le⁴ jo³ tso²
 cjoa⁴te¹xo³ma³, c⁷ia⁴ nca³ tjen⁴
 ti¹jna³con³-sa³ x²in⁴-le⁴, to⁴nca³
 tsa² c⁷en³ x²in⁴-le⁴ ti¹jna³ntai¹-
 le⁴ cjoa⁴te¹xo³ma³ xi³ t⁷a³ts⁷e⁴
 x²in⁴-le⁴. **3 C⁷oa⁴-s²in² c⁷ia⁴ nca³**
 ti¹jna³con³ x²in⁴-le⁴, tsa² tjin¹-le⁴
 x²in⁴ xi³ cja⁴²ai¹ chjon⁴²cha³jnqui³t⁷a³
?mi², to⁴nca³ tsa² c⁷en³ x²in⁴-le⁴,
 ti¹jna³ntai¹-le⁴ cjoa⁴te¹xo³ma³. C⁷ia⁴
 tsa² x²in⁴ xi³ cja⁴²ai¹ s²e⁴-le⁴, a³li²
 chjon⁴²cha³jnqui³t⁷a³-jin² ?mi²-le⁴.
4 C⁷oa⁴-ti⁴s²in² nca³ jon²-vi⁴, nts²e³,
 jo³-ni³ tsa² xi³ ti³yo³c⁷aon³ t⁷a³ts⁷e⁴
 cjoa⁴te¹xo³ma³-ve⁴ xi³ to⁴t⁷a³ts⁷e⁴
 yao³-le⁴ Cristo, jme¹-ni³ nca³ ts⁷e⁴ xi³
 cja⁴²ai¹ coan⁴si¹nio³. Ts²e⁴ coaon⁴³
 je² xi³ ja³⁷a²ya³jin³-ni³le⁴ xi³ c⁷en³,
 jme¹-ni³ nca³ coan⁴jcha¹jin³-si¹ni³na¹
 cjoa⁴nta³ xi³ t⁷a³ts⁷e⁴ Ni³na¹. **5 C⁷ia⁴**
 nca³ tsa³qui³yo³² jo³ coan³ cjoan³
 yao³-na¹, je² cjoa⁴chi⁴nca⁴-le⁴ je¹-ve⁴
 xi³ coan³ to⁴t⁷a³ts⁷e⁴ cjoa⁴te¹xo³ma³,
 qui³si³xa¹jin³ nca³yi³je³ jco⁴ya³-le⁴
 yao³-na¹, qui³si³jcha¹jin³-na¹ cjoa⁴ xi³
 t⁷a³ts⁷e⁴ cjoa⁴vi³ya³. **6 To⁴nca³ nt⁷a⁴-vi⁴**
 je³ji²tjo⁴ntai¹-le⁴² cjoa⁴te¹xo³ma³, nca³
 jo³-ni³ tsa² je³ti³yo³c⁷en³-le⁴² jna³-le⁴
 xi³ tsa³qui³yo³n⁷ion¹-le⁴². C⁷oa⁴-s²in²
 coan⁴chjen¹-na¹ jo³-ni³ tsa² cho⁴²nta¹
 jo³-s²in² tso² cjoa⁴cho⁴ts⁴ xi³ ts⁷e⁴
 Espíritu Santo, a³li²coi³ jo³-s²in² tso²
 je² cjoa⁴jchi¹nca³ xi³ tji¹t⁷a³ xon⁴.

Je² xi³ je¹ mi² ti¹jna³jin³-na¹
7 Jme¹-ni³ xi³ coi⁴xoan¹-ni³.
Je² cjoa⁴te¹xo³ma³-ve⁴, a³ je¹ ni¹.
Ma³jain², ni⁴to⁴i⁴tse¹-jin² c⁷oa⁴tjin¹.
To⁴nca³ an³ li²coi³ tsa³ve³ xi³
je¹ mi², tsa² tsi² xi³ to⁴t⁷a³ts⁷e⁴
cjoa⁴te¹xo³ma³. C⁷oa⁴-ti⁴ li²coi³
tsa³ve³ xi³ cjoa⁴xin²ta³con²,
c⁷ia⁴ tsa² cjoa⁴te¹xo³ma³ li²coi³
c⁷oa⁴qui³tso²: A³li² ma³xin²ta³con²-
jin²³. **8 To⁴nca³ je² je¹-ve⁴ qui³s²e³-le⁴**
?nte³ xi³ to⁴t⁷a³ts⁷e⁴ cjoa⁴te¹xo³ma³.
C⁷oa⁴-s²in² qui³si³ncjin²-coan³
nca³yi³je³ jco⁴ya³ cjoa⁴chi⁴nca⁴. C⁷ia⁴
tsa² tsin² cjoa⁴te¹xo³ma³ je² je¹ jo³-
ni³ tsa² tiljna³c⁷en³-ni¹. **9 C⁷oa⁴-s²in²**
tsa³ca²te⁴jna³coan³ xi³jnco³ ni⁴chjin³
t⁷a³xin² cjoa²te¹xo³ma³, to⁴nca³
c⁷ia⁴ nca³ ja³⁷ai³ cjoa⁴te¹xo³ma³-
ve⁴, je² je¹-ve⁴ tsa³c⁷e²jna³con³-ni¹,
c⁷oa⁴ an³ jo³-ni³ tsa² c⁷en³-nia¹³.
10 C⁷oa⁴ coan³sjai³-na³ nca³ je²
cjoa⁴te¹xo³ma³-ve⁴ xi³ t⁷a³-ts⁷e⁴
cjoa⁴vi³jna³chon³ c⁷oa⁴coan³-na³
jo³-ni³ tsa² cjoa⁴-vi³ya³. **11 Nca⁴**
je² je¹-ve⁴ qui³s²e³-le⁴ ?nte³ xi³
to⁴t⁷a³ts⁷e⁴ cjoa⁴-te¹xo³ma³. Je²
je¹-ve⁴ tsa³c⁷a²na⁴cha⁴-na³, c⁷oa⁴
qui³si³c⁷en³-na³ xi³ to⁴t⁷a³ts⁷e⁴
cjoa⁴te¹xo³ma³. **12 C⁷oa⁴-s²in²**
nca³yi³je³ cjoa⁴te¹xo³ma³ ña³qui³
tsje³-ni¹, c⁷oa⁴ tjin¹-le⁴ cjoa⁴qui²xi⁴,
c⁷oa⁴ nta³-ni¹. **13 Je² xi³ nta³-ve⁴ni³**
a³ qui³si³c⁷en³-na³. Ma³jain²,
to⁴nca³ je² je¹-ve⁴ qui³si³xa¹jin³-
na³ cjoa⁴vi³ya³ xi³ to⁴t⁷a³ts⁷e⁴ xi³
nta³ tjin¹, jme¹-ni³ nca³ coan⁴tsen³-
si³ni³ nca³ je² xi³ je¹. Xi³ to⁴t⁷a³ts⁷e⁴
cjoa⁴te¹xo³ma³ je² je¹-ve⁴ nqui²sa⁴
n⁷ion¹ tjin¹-le⁴ je¹. **14?ya³-nia¹ nca³**
je² cjoa⁴te¹xo³ma³ ts⁷e⁴ Espíritu
Santo, to⁴nca³ an³ to⁴xa¹ yao³

nia¹³. Qui³sa³te²na³t²a³-le⁴ je¹-ve⁴ na³nqui³ ti²jna⁴-le⁴. ¹⁵C³li²coi³ma³cho⁴ya³-na³ jme³ xi³ s²ian³an³-vi⁴, ni⁴-c²oa⁴²-jin² s²ian³ je² xi³me³-na³, to⁴nca³ je² xi³ ch²ao³que⁴, je²-ve⁴ xi³ c²oa⁴²s²ian³. ¹⁶C²oa⁴ tsa²c²oa⁴²s²ian³ je² xi³ tsi² tsa² coi³ me³-na³, an³ si³qui²xi⁴ya³nta³ nca³ nta³ tjin¹ je² cjoa⁴te¹xo³ma³. ¹⁷C²oa⁴-s²in² li²coi³ an³ xi³ ti⁴c²oa⁴s²in³-nia³, to⁴nca³ je² je¹-ve⁴ xi³ ti¹jna³jin³-na³ xi³ c²oa⁴s²in¹. ¹⁸C²oa⁴-ve³-nia³ nca³ nta³ tsi²jme³ xi³ nta³ tjin¹ xi³ ti¹jna³jin³-na³ (xi³ ti²xian³ xi³ ti¹jna³jin³ xi³ to⁴xa¹ yao³-na⁴ ni¹). Tjin¹-na³ cjoa⁴me³ta³con² nca³ c²oa⁴²s²ian³ je² xi³ nta³ tjin¹, to⁴nca³ li²coi³ coi³cho²tjen⁴nqui³-le⁴ nca³ c²oa⁴²s²ian³. ¹⁹Nca⁴ tsi²tsa² c²oa⁴s²ian³ je² xi³ nta³ tjin¹ xi³ me³-na³, to⁴nca³ je² xi³ ch²ao³ tjin¹-ve⁴ xi³ tsi²coi³ me³-na³, je²-vi⁴ xi³ c²oa⁴s²ian³. ²⁰C²oa⁴ tsa² c²oa⁴s²ian³ xi³ tsi²coi³ me³-na³, li²coi³ an³ xi³ ti⁴c²oa⁴s²in³-nia³, to⁴nca³ je² je¹-ve⁴ xi³ ti¹jna³jin³-na³, xi³ c²oa⁴s²in¹. ²¹C²oa⁴-s²in² ma³sja¹na³ je² cjoa⁴te¹xo³ma³-vi⁴, c²ia⁴ nca³ me³-na³ an³ nca³ c²oa⁴s²ian³ xi³ nta³ tjin¹, je² xi³ ch²ao³ tjin¹ ti¹jna³jin³-na³. ²²Tjin¹-na³ cjoa⁴tsjoa³ xi³ t'a³ts²e⁴ cjoa⁴te¹xo³ma³-le⁴ Ni³na¹, jo³-s²in² tjin¹ ni⁴ma⁴-na⁴. ²³To⁴nca³ ve³ nqui²jnco³ cjoa⁴te¹xo³ma³ i⁴jin³ nca³yi³je³ jco⁴ya³-le⁴ yao³-na⁴ xi³ cjan¹cao⁴ je² cjoa⁴te¹xo³ma³ xi³ ts²e⁴ cjoa⁴fa³ai³tsjen³-na⁴. Je²-vi⁴ xi³ si¹c²e¹jna³t²a³n²ion¹-na³ je² cjoa⁴te¹xo³ma³ xi³ ts²e⁴ je¹ xi³ ti¹jna³jin³ nca³yi³je³ jco⁴ya³-le⁴ yao³-na⁴. ²⁴Ma⁴-xo¹nia³ an³-vi⁴. ?ya¹ xi³ si¹²c²e¹jna³ntai¹-ni³na³ yao³-na⁴ xi³ ts²e⁴ cjoa⁴vi³ya³-vi⁴. ²⁵Tsjoa³-

le⁴ cjoa⁴nta³ Ni³na¹ xi³ to⁴t²a³ts²e⁴ Jesucristo Nai³-na¹. C²oa⁴-s²in² ti⁴ar³-nia³ cao⁴ cjoa⁴fa³ai³tsjen³-na⁴ ma³chjen¹-le⁴ cjoa⁴te¹xo³ma³-le⁴ Ni³na¹, to⁴nca³ cao⁴ yao³-na⁴ an³ ma³chjen¹-le⁴ cjoa⁴te¹xo³ma³-le⁴ je¹.

Je² Espíritu Santo tsjoa¹-na¹ cjoa⁴vi³jna³chon³ nca³ ti³yo³coa⁴² Cristo

8 Nt²ai⁴-vi⁴ntai⁴ ni⁴jme³-jin² cjoa⁴ñ²ain³ xi³ tjin¹ne²-le⁴ je² xi³ tjo¹cao⁴ Cristo Jes^{us}, je² xi³ tsi² ts² coi³ c²oa⁴-s²in² v²e²ts²o⁴ma³ jo³-s²in² nca³ me³-le⁴ yao³-na¹, to⁴nca³ jo³-s²in² nca³ me³-le⁴ Espíritu Santo. ²Je² cjoa⁴te¹xo³ma³ xi³ ts²e⁴ Espíritu Santo, je² xi³ tsjoa¹ cjoa⁴vi³jna³chon³, nca³ ti³yo³coa⁴² Cristo Jes^{us}. Qui³si³c²e¹jna³ntai¹-ni³na³ cjoa⁴te¹xo³ma³ xi³ ts²e⁴ je¹, c²oa⁴ xi³ ts²e⁴ cjoa⁴vi³ya³. ³Je² xi³ ts² tsa² coi³ coan³ je² cjoa⁴te¹xo³ma³, nca⁴ tsin²-le⁴ nca³n²ion¹-jin² xi³ to⁴t²a³ts²e⁴ yao³-na¹, Ni³na¹ c²oa⁴qui³s²in³ je²-vi⁴ c²ia⁴ nca³ qui³si³ca³sen¹ nti¹-le⁴ xi³ c²oa⁴cji³ yao³-le⁴ jo³ cjoan³ yao³-na¹ xi³ tjin¹-le⁴ je¹, c²oa⁴ qui³si³ca³sen¹ Cristo xi³ to⁴cjoa⁴-le⁴ je¹-ve⁴. C²oa⁴-s²in² tsa³c²e¹ne²-le⁴ cjoa⁴ñ²ain³ je² je¹ xi³ tjin¹ t²jna³jin³ yao³-na¹, 4jme¹-ni³ nca³ je² cjoa⁴qui²xi⁴ xi³ v²e¹ne²-na¹ cjoa⁴te¹xo³ma³ coi⁴tjo³son²jin³-si¹ni³na¹ ña¹-vi⁴, xi³ tsi² ts² coi³ c²oa⁴-s²in² coi⁴tso⁴ma²coa⁴² jo³-s²in² me³-le⁴ yao³-na¹, to⁴nca³ jo³-s²in² me³-le⁴ Espíritu Santo. ⁵Nca⁴ je² xi³ c²oa⁴-s²in² fi²cao⁴ yao³-le⁴ jo³-s²in² me³-le⁴ yao³-na¹, si¹sin³-le⁴ cjoa⁴le⁴ yao³-na¹, to⁴nca³ je² xi³ c²oa⁴-s²in² fi²cao⁴ yao³-le⁴ jo³-s²in² me³-le⁴ Espíritu Santo, si¹sin³-le⁴

cjoa⁴ xi³ ts²e⁴ Espíritu Santo. ⁶Je²
 xi³ si¹sin³-le⁴ cjoa⁴-le⁴ yao³-na¹,
 tjin¹-le⁴ cjoa⁴vi³ya³, to⁴nca³ je² xi³
 si¹sin³-le⁴ cjoa⁴ xi³ ts²e⁴ Espíritu
 Santo, tjin¹-le⁴ cjoa⁴vi³jna³chon³
 cao⁴ cjoa⁴nch⁷an¹ta³con². ⁷Nca⁴
 je² xi³ si¹sin³-le⁴ cjoa⁴-le⁴ yao³-na¹
 co²ntran⁴ fi²-le⁴ Ni³na¹, nca³ tsi²
 na³nqui³ va³tio²-le⁴ cjoa⁴te¹xo³ma³-
 le⁴ Ni³na¹, ni⁴i⁴tse¹-jin² coan⁴-le⁴.
⁸C²oa⁴-s²in² je² xi³ c²oa⁴-s²in²
 yao³-le⁴ tji¹-ni³, li²coi³ ma³-le⁴
 si¹tsjоa³ya³-le⁴ Ni³na¹. ⁹To⁴nca³
 jon² li²coi³ yao³-no³ ti³yo³-nio³,
 to⁴nca³ Espíritu Santo ti³yo³-nio³,
 tsa² cjoa⁴qui²xi⁴ nca³ je² Espíritu
 Santo xi³ ts²e⁴ Ni³na¹ ti¹jna³jin³
 ni⁴ma⁴-no³. To⁴nca³ tsa² jnco³ xi³
 tsin²-le⁴ je² Espíritu xi³ ts²e⁴ Cristo,
 a³li² ts²e⁴ Cristojin²ni³. ¹⁰To⁴nca³
 tsa² Cristo ti¹jna³jin³ ni⁴ma⁴-no³, je²
 yao³-no³ cjoa⁴qui²xi⁴ ni¹ nca³ jo³-
 ni³ tsa² tji¹c²en³ xi³ to⁴t²a³ts²e⁴ je¹,
 to⁴nca³ je² espíritu-no³ tji¹con³-
 ni¹ xi³ to⁴t²a³ts²e⁴ cjoa⁴qui²xi⁴.
¹¹C²oa⁴ tsa² je² Espíritu Santo xi³
 ts²e⁴ Ni³na¹ xi³ qui³si³cja³a¹ya³jin³-
 ni³le⁴ c²en³ Cristo, tsa² coi³
 Espíritu ti¹jna³jin³ ni⁴ma⁴-no³,
 je² xi³ qui³si³cja³a¹ya³jin³-ni³le⁴
 c²en³ Cristo Jesús, c²oa⁴-ti⁴ tsjоa¹-
 le⁴ cjoa⁴vi³jna³chon³ yao³-no³ xi³
 vi³ya³, xi³ to⁴t²a³ts²e⁴ je² Espíritu
 Santo-le⁴ xi³ ti¹jna³jin³ ni⁴ma⁴-no³.
¹²C²oa⁴-s²in² nts²e³, ni⁴jme³-jin² xi³
 qui³tjen⁴-na¹ t²a³-ts²e⁴ yao³-na¹, nca³
 coi⁴yo³chon³-nia³ jo³-s²in² me³-
 le⁴ yao³-na¹. ¹³Tsa² coi⁴yo³ jo³-s²in²
 me³-le⁴ yao³-na¹, coi⁴ya²-nio¹³?ni³,
 to⁴nca³ tsa² cao⁴ je² Espíritu Santo
 si⁴c²aon³ je² cjoa⁴ xi³ s²in¹ yao³-na¹,
 coi⁴yo³chon³-nio¹³?ni³. ¹⁴Nca³ts²i³
 xi³ je² Espíritu Santo xi³ ts²e⁴ Ni³na¹

va¹ntia⁴²-le⁴, je²-vi⁴ xi³ ?nti¹-le⁴
 Ni³na¹-?ni³. ¹⁵Nca⁴ jon² a³li²coi³
 qui³chjoao¹³ cjoa⁴fa³?ai³tsjen³
 xi³ ts²e⁴ xi³ tji¹n?ion¹, nca³
 nqui²jnco³c²a² s²e⁴-no³ cjoa⁴jcon³,
 to⁴nca³ qui³chjoe¹-nio¹³ je² Espíritu
 Santo xi³ ve³con³-na¹ jo³-ni³ ts²a²
 xti³-le⁴. Xi³ to⁴t²a³ts²e⁴ je² Espíritu
 Santo no²-cjoa⁴² Abba, xi³ tso²-
 ni³ N?ai³. ¹⁶Ti⁴je²-ni³ Espíritu
 Santo to⁴jnco³ tsjоa¹ cjoa⁴qui²xi⁴
 cao⁴ ni⁴ma⁴-na¹ nca³ coia³² ?nti¹-le⁴
 Ni³na¹. ¹⁷C²ia⁴ ts²a² ?nti¹-le⁴ ma³²,
 c²oa⁴²-ti⁴ s²e⁴-na¹ cjoa⁴tjao² ts²e⁴
 Ni³na¹. To⁴jnco³ s²e⁴-na¹ cjoa⁴tjao²
 cao⁴ Cristo, ts²a² ña³tjen⁴ chja⁴a²
 cjoa⁴ñ?ain³ cao⁴ Cristo, jme¹-ni³ nca³
 ña³tjen⁴ coi²tjo⁴je³ya³-si¹nia³² cao⁴
 je². ¹⁸Cjai¹nca³ co³son²-le⁴ nca³ an³
 nca³ cjoa⁴qui²xi⁴ nca³ je² cjoa⁴ñ?ain³
 xi³ ti³chja³a² coi³ ni⁴chjin³-vi⁴ li²coi³
 coan⁴nco¹son²cao⁴ je² cjoa⁴je³ya³
 xi³ s²a⁴ nchoa¹, xi³ coan⁴son²tsen³
 t²a³tsan⁴². ¹⁹Nca⁴ c²oa⁴-s²in²
 nca³yi³je³ xi³ qui³s²e³nta³ son³?nte³-
 vi⁴ n?ion¹ tji¹co³ya³cao⁴cjoa⁴ nca³
 coan⁴son²tsen³ nca³ts²i³ xi³ ?nti¹-
 le⁴ Ni³na¹. ²⁰Nca⁴ nca³yi³je³ xi³
 qui³s²e³nta³ son³?nte³-vi⁴, na³nqui³
 qui³ni²c²e¹yo³-le⁴ cjoa⁴ xi³ tsi²jme³
 nca³n?ion¹ tjin¹-le⁴, a³li² ts²a² to⁴je²
 xi³ c²oa⁴-s²in² me³-le⁴, to⁴nca³
 c²oa⁴-s²in² coan³me³-le⁴ je² xi³
 na³nqui³ qui³si³c²e¹yo³-le⁴ cao⁴
 cjoa⁴cho³ya²cao⁴cjoa⁴. ²¹C²oa⁴
 s²in² ti⁴je²-ni³ je² nca³yi³je³
 xi³ qui³s²e³nta³ son³?nte³-vi⁴,
 coi⁴tji³ntai¹-le⁴ je² cjoa⁴ xi³ c²oa⁴-
 s²in² v²e¹n?ion¹-le⁴ xi³ to⁴fi³ts²o³.
 C²oai⁴-le⁴ nca³ c²oe¹yo³ntai¹ cao⁴
 cjoa⁴je³ya³ xi³ ts²e⁴ ?nti¹-le⁴ Ni³na¹.
²²?ya³-nia¹ nca³ nca³ts²i³ xi³
 qui³s²e³nta³ son³?nte³-vi⁴ sa³?nta³

nt⁷ai⁴-vi⁴, to⁴jnco³ tse³ne², c²oa⁴
 to⁴jnco³ jo³ ma⁴ s¹in¹ jo³-ni³ tsa²
 jnco³ chjon⁴² xi³ ?nti¹ ti¹v²e¹. **23** A³li²
 tsa² to⁴je²-jin² nca³ je², to⁴nca³
 c²oa⁴²-ti⁴ ña¹ nca³ ña¹-vi⁴ xi³ tjin¹-
 na¹ je² Espíritu Santo jo³-ni³ tsa² xi³
 ti¹tjon² cjoa⁴tjao², ña¹-vi⁴ tse³ne²
 jin³ yao³-na¹, nca³ ti³ma³cho³ya²-le⁴²
 nca³ coan⁴jnco³ nca³ coa⁴sen²-na¹
 jo³-ni³ tsa² xti³-le⁴, nca³ tso²va³ntai¹
 yao³-na¹. **24** Nca⁴ ji²tjo⁴ntjai²-nia¹
 cao⁴ cjoa⁴cho³ya²cao⁴cjoa⁴-vi⁴.
 To⁴nca³ je² xi³ ti³cho³ya²-le⁴², tsa²
 ma³tsen³, li²coi³ ti³cho³ya²-le⁴². ?ya¹
 xi³ sco¹ya³-sa³le⁴ xi³ je³co³tsen³.
25 To⁴nca³ tsa² ti³cho³ya²-le⁴² je² xi³
 ts¹ tsa² coi³ ?ya³², cao⁴ cjoa⁴tse³jta³
 cho¹ya³-ni³le⁴². **26** C²oa⁴-ti⁴s²in²ni³
 je² Espíritu Santo va³sen¹cao⁴-na¹
 nca³ i³nta³² cjoan³², nca⁴ li²coi³ ?ya³²
 jme³ xi³ si⁴je¹ jo³-s²in² va³quin²-
 le⁴, to⁴nca³ ti⁴je²-ni³ Espíritu
 Santo v²e¹ts²oa³ntjai²-na¹ cao⁴
 nca³ cjal¹nca³ to⁴tse³ne², nca³ ts¹
 ma³-na¹ jo³ vi³xoan¹. **27** To⁴nca³ je²
 xi³ va¹sjai³jin³ ni⁴ma⁴-na¹, ve³ je²
 cjoa⁴fa³?ai³tsjen³-le⁴ Espíritu Santo,
 nca³ v²e¹ts²oa³ntjai² cho⁴ta⁴-le⁴
 Cristo jo³-s²in² nca³ me³-le⁴ Ni³na¹.

Xi³ to⁴t²a³ts²e⁴ Cristo
nqui²sa⁴ c²oa⁴s²ian⁴-sa³² cao⁴-
ni³ tsa² je² xi³ si¹qui³njen³

28?ya³-nia¹ nca³ nca³yi³je³ cjoa⁴
 ña³tjen⁴ si¹xa¹ cjoa⁴nta³ t²a³ts²e⁴
 je² xi³ tsjao³que³ Ni³na¹, xi³ Ni³na¹
 qui³nchja⁴-le⁴ jo³-s²in² nca³ xa¹
 tsa³c²e¹nta³-ni³, **29**je² xi³ Ni³na¹
 to⁴nqui³-ni³ tsa³ve³, c²oa⁴²-ti⁴
 to⁴nqui³-ni³ xa¹ tsa³c²e¹nta³-ni³ nca³
 c²oa⁴coan⁴ cjoan³ jo³ cjoan³ ?nti¹-le⁴,
 jme¹-ni³ nca³ ?nti¹tjon² coan⁴-si¹ni³le⁴
 jin³-le⁴ ncjin² nts²e⁴. **30**C²oa⁴ je² xi³

Ni³na¹ to⁴nqui³-ni³ xa¹ tsa³c²e¹nta³-
 ni³, c²oa⁴²-ti⁴ Ni³na¹ qui³nchja⁴-le⁴
 je²-vi⁴. C²oa⁴ je² xi³ qui³nchja⁴-le⁴,
 c²oa⁴-ti⁴ je²-vi⁴ xi³ qui³si³cje³t²a³ je¹-le⁴,
 c²oa⁴²-ti⁴ je²-vi⁴ tsa³c²a³sje³je³ya³.
31Jme¹ xi³ coi⁴xoan¹-?ni³ je²-vi⁴.
C²ia⁴ tsa² Ni³na¹ ti¹jna³ t²a³tsan⁴²,
 ?ya¹ xi³ co²ntran⁴-na¹ coan⁴-?ni³.
32Je² xi³ li²coi³ tsa³c²e¹chjhoa²-
 le⁴ nca³ qui³s²e³-le⁴ cjoa⁴ñ²ain³,
 nta³ tsa² ti⁴ts²e⁴-ni³ ?nti¹-le⁴,
 to⁴nca³ qui³tsjao³t²a³ xi³ t²a³tsan⁴²
 nca³ts²ia³², a³tsi² c²oa⁴-ti⁴
 tsjao¹cjoa⁴tjao²-na¹ nca³yi³je³ cjoa⁴
 cao⁴ Cristo. **33**?ya¹ xi³ coa⁴²nqui³
 je² cho⁴ta⁴ xi³ Ni³na¹ tsa³cja³a¹jin³.
 Ni³na¹ xi³ si¹cje³t²a³ je¹. **34**?ya¹ xi³
 v²e¹ne²-na¹ cjoa⁴ñ²ain³. Cristo
 Jes¹s xi³ c²en³, to⁴nca³ c²oa⁴²-ti⁴
 je² xi³ ja³a²ya³-le⁴, xi³ ya⁴ ti¹jna³
 nca³qui²xi⁴-le⁴ Ni³na¹, je² xi³ c²oa⁴-
 ti⁴ v²e¹ts²oa³ xi³ t²a³tsan⁴². **35**?ya¹
 xi³ cjoa⁴a²xin²-na¹ cjoa⁴tjao²cha³-
 le⁴ Cristo. A³ cjoa⁴ñ²ain³ ni¹. A³ xi³
 ai¹ cji³ne³-na¹. A³ je² xi³ co²ntran⁴
 ma³nca³tjen⁴nqui³-na¹. A³ cji³ncha¹
 ni¹. A³ je² xi³ qui³xi³jnta²joan³². A³
 je² xi³ xcon¹-na¹. A³ je² xi³ qui⁴cha⁴
 va¹-na¹. **36**Jo³-s²in² tji¹t²a³: Xi³
 t²a³tsi⁴ ti³vi³ya³-ni¹⁴jin⁴ nca³ntsjai²,
 to⁴jo³-ni³ va³rre² xi³ ti¹ni²c²en³
 ti¹⁷ya³ta³con²-na³jin⁴. **37**To⁴nca³
 nca³yi³je³ je² cjoa⁴ je²-vi⁴ nqui²sa⁴
 n²ion¹ c²oa⁴s²ian⁴-sa³² cao⁴-ni³ tsa²
 je² xi³ si¹qui³njen³, xi³ to⁴t²a³ts²e⁴
 je² xi³ coan³tsjao³que³-na¹.
38To⁴coi³ je²-vi⁴ ña³qui³ tji¹jnco³-
 le⁴coan³, nca³ ni⁴cjoa⁴vi³ya³-jin²,
 ni⁴cjoa⁴vi³jna³chon³-jin², ni⁴a²ncje⁴-
 jin², ni⁴ xi³ nca³jco⁴-le⁴jin²,
 ni⁴je²-jin² xi³ tjin¹-le⁴ nca³n²ion¹,
 ni⁴ xi³ nt²ai⁴-vi⁴jin², ni⁴je² xi³ s²a⁴

nčhoa¹-jin², ³⁹ni⁴ xi³ nc²a³-jin², ni⁴
 xi³ na³nqui³-jin², ni⁴to⁴jnco³-jin²sa³
 xi³ xa¹ qui³e³nta³-ni³ xi³ coan⁴
 cjoa⁴a²xin²-na¹ je² cjoa⁴tjao²cha³-le⁴
 Ni³na¹ nca³ ti³yo³coa⁴² Cristo Jesús
 Nai³-na¹.

Cho⁴ta⁴ Israel xi³ tsa³c²in²-
 le⁴ nca³?nti¹-le⁴ Ni³na¹ coan³

9 Xi³ cjoa⁴qui²xi⁴ xi³ xian³
 nca⁴ ti²jna⁴coa⁴ Cristo, li²coi³
 v²e³nti³soa³. Je² cjoa⁴fa³ai³tsjen³-
 na⁴ to⁴jnco³ tsjoa¹ cjoa⁴qui²xi⁴ xi³
 t²a³ts²an⁴ cao⁴ je² Espíritu Santo.
²Cjai¹nca³ tse³ cjoa⁴va³ xi³ tjin¹-
 na³, c²oa⁴ nca³ntsjai² n²ion¹ cji³ne³
 ni⁴ma⁴-na⁴. ³Ti⁴an³-nia³ me³-na³
 ntia³coa²sen⁴t²a³xin²-le⁴ Cristo,
 tsa² coan⁴-na³, xi³ t²a³ts²e⁴ nts²e³,
 xi³ xi²nquia⁴ xi³ to⁴nco¹son² yao³-
 na⁴jin⁴, ⁴xi³ coi³ cho⁴ta⁴ israelita
 ni¹, je² xi³ tsa³c²in²-le⁴ nca³?nti¹-le⁴
 Ni³na¹ coan³, c²oa⁴ ts²e⁴ cjoa⁴je³ya³,
 cao⁴ cjoa⁴ xi³ qui³s²e³n²ion¹, cao⁴
 je² cjoa⁴te¹xo³ma³ xi³ qui³ts²ai²-
 le⁴, cao⁴ cjoa⁴ xi³ ve³xcon¹, cao⁴
 xi³ qui³ni²s²e³nqui³-le⁴. ⁵Je² xi³
 n²ai³jcha¹cjin³ ts²e⁴ ni¹, c²oa⁴ti²-je²
 Cristo jo³ cjoan³ yao³-le⁴ ji³nčhoa³-
 ni³ ntje⁴-le⁴. Je² xi³ Ni³na¹ xi³
 va³te¹xo³ma³-le⁴ nca³y³je³ cjoa⁴,
 ca²ta³chi³con³t²ain³ nca³ntsjai²
 ni⁴čjin³. C²oa⁴ ca²ta³ma³.
⁶To⁴nca³ en¹-le⁴ Ni³na¹ ni¹jme³-
 jin² xi³ qui³cha³-le⁴. Nca⁴ tsi² tsa²
 to⁴nca³ts²i³-jin² xi³ nčhoa¹-ni³ ntje⁴-
 le⁴ Israel xi³ cho⁴ta⁴ israelita ni¹.
⁷Ni⁴coi³-jin² nca³ ntje⁴-le⁴ Abraham
 nca³?nti¹-le⁴ coan³ nca³ts²i³, to⁴nca³
 je² xi³ ts²e⁴ Isaac, je² xi³ ntje⁴-li⁴
 c²oin¹. ⁸Coi³ xi³ tso²-ni³: A³li² je²-jin²
 xi³?nti¹-le⁴ jo³ cjoan³ yao³-le⁴ xi³
?nti¹-le⁴ Ni³na¹, to⁴nca³ je² xi³?nti¹-

le⁴ jo³-s²in² nca³ qui³si³s²e³nqui³-le⁴,
 je² ni¹ xi³ coan³xqui⁴cao⁴ nca³
 ntje⁴-le⁴. ⁹Je² en¹ xi³ Ni³na¹
 qui³si³s²e³nqui³-le⁴ Abraham, coi³
 je²-vi⁴: I⁴-cjoan²s²in² ni⁴čjin³ no¹
 xi³jnco³ cjoe²e⁴, c²oa⁴ s²e⁴-le⁴ Sara
 jnco³?nti¹. ¹⁰A³li² tsa² to⁴coi³ je²-
 vi⁴, to⁴nca³ c²oa⁴ti⁴ Rebeca, c²ia⁴
 nca³ qui³sa³co³-le⁴?nti¹ xi³ ts²e⁴ jnco³
 x²in⁴ Isaac, n²ai³-na⁴jin⁴, ¹¹(c²ia⁴
 nca³ cje³-sa³ tsin³-jin², c²oa⁴ c²ia⁴
 nca³ ni⁴sa³jme³-jin² xi³ s²in¹, ni⁴
 xi³ nta³ tjin¹, ni⁴ xi³ ch²ao³ tjin¹,
 jme¹-ni³ nca³ s²e⁴jna³ntsjai²-ni³
 jo³-s²in² xa¹ tsa³c²e¹nta³-ni³ Ni³na¹
 nca³ tsa³cja³a¹jin³, a³li² to⁴t²a³ts²e⁴
 xa¹-le⁴jin², to⁴-nca³ to⁴t²a³ts²e⁴
 jo³-s²in² me³-le⁴ je² xi³ nchja⁴),
¹²c²oa⁴tsa³c²in²-le⁴ Rebeca nca³ je²
 xi³ ma³jchi¹nca³ cho⁴nta³ coan⁴-le⁴
 xi³ ma³?nti¹. ¹³Jo³-s²in² nca³ tji¹t²a³:
 Je² Jacobo xi³ coan³tsjoa³que⁴,
 to⁴nca³ Esaú ch²ao³que⁴ coan³.
¹⁴Jme¹ xi³ coi⁴xoan¹-ni³. Ni³na¹, a³
 tjin¹ xi³ ts² cjoa⁴qui²xi⁴ xi³ s²in¹.
 Ma³jain². Ni⁴i⁴tse¹-jin² c²oa⁴tjin¹.
¹⁵To⁴nca³ Ni³na¹ qui³tso²-le⁴ Moisés:
 Coan⁴ma⁴que⁴ to⁴ya³-ni³ve⁴ xi³ me³-
 na³ nca³ coan⁴ma⁴que⁴, c²oa⁴ aon³
 coan⁴-na³ to⁴ya³-ni³ve⁴ xi³ t²a³ts²e⁴
 aon³ coan⁴-na³. ¹⁶C²oa⁴-s²in² nca³
 ts² tsa² coi³ nca³ c²oa⁴-s²in² me³-
 le⁴ cho⁴ta⁴, ni⁴coi³-jin² nca³ n²ion¹
 si¹xa¹, to⁴nca³ coi³ nca³ Ni³na¹ xi³
 tjin¹-le⁴ cjoa⁴ma⁴ta³con². ¹⁷Nca⁴ je²
 xon⁴ Escritura c²oa⁴tso²-le⁴ Faraón:
 Coi³ je²-vi⁴ nca³ qui³sco³mi³tjen⁴-
 le²³, jme¹-ni³ nca³ coa³co³-si¹nia³
 nca³n²ion¹-na⁴ xi³ to⁴t²a³tsi⁴,
 c²oa⁴ jme¹-ni³ nca³ jan³ain¹-na⁴
 coi⁴no²cjoa⁴ya³-si¹ni³ nca³qui³jnta²
 son³nte³. ¹⁸C²oa⁴-s²in² Ni³na¹
 tjin¹-le⁴ cjoa⁴ma⁴ta³con² t²a³ts²e⁴

cho⁴ta⁴ to^{4?}ya³-ni³ve⁴ xi³ me³-le⁴.
 C⁷oa⁴-ti⁴ Ni³na¹ si¹ta²ja³ ni⁴ma⁴-le⁴
 cho⁴ta⁴ to^{4?}ya³-ni³ve⁴ xi³ me³-le⁴.
19 C⁷oa⁴c⁷oin¹-nai^{1?}ni³. A¹-ni³ nca⁴
 Ni³na¹ va¹ne²-si¹ni³ je¹ cho⁴ta⁴, nca⁴
 ?ya¹ xi³ coan⁴ c⁷oe⁴²jna³ta²ja³-le⁴ xi³
 me³-le⁴ Ni³na¹. **20** To⁴nca³ ji³ cho⁴ta⁴,
 ?ya¹ ni¹³ ji³ nca³ coa⁴te²cjao³²a²cao⁴-
 si¹ni³ Ni³na¹. A³ coi⁴nchja⁴cao⁴
 ti^{42?}nte³ je² xi³ ca²si¹nta³: A¹-ni³
 nca³ c⁷oa⁴ca²ni²ca¹-si¹ni³nai¹³. **21** A³
 tsin²-le⁴ ?nte³-jin² je² xi³ si¹nta³
 ti⁴² nca³ si⁴²nta³-ni³ xi³ ti⁴coi³-
 ni³ nta¹si³ jnco³ xi³ n⁷ion¹ nta³ cji³
 c⁷oa⁴ nqui²jnco³ xi³ to⁴ti⁴²yo⁴ma⁴.
22 To⁴nca³ Ni³na¹, nta³ tsa² me³-le⁴
 nca³ coa⁴co² cjoa⁴ji³-le⁴, c⁷oa⁴ nta³
 tsa² me³-le⁴ nca³ jcha⁴-le⁴ nca³n⁷ion¹-
 le⁴, c⁷oa⁴-s⁷in² qui³cho¹cjoa⁴-le⁴
 cao⁴ cjoa⁴tse³ja³-le⁴ je² ti⁴² xi³ xa¹
 coan³nta³-ni³ t⁷a³ts²e⁴ cjoa⁴ji³-le⁴. Je²
 ti⁴² xa¹ coan³nta³-ni³ nca³ coi⁴xo⁴ya³.
23 Coi³ xi³ c⁷oa⁴qui³s⁷in³ jme¹-ni³
 nca³ jcha⁴-si¹ni³le⁴ jo³ nca³ n⁷ion¹
 tse³ tjin¹ cjoa⁴je³ya³-le⁴ xi³ t⁷a³ts²e⁴
 ti⁴² xi³ xa¹ coan³nta³-ni³ t⁷a³ts²e⁴
 cjoa⁴ma⁴ta³con²-le⁴. Je² ti⁴² xi³
 Ni³na¹ to⁴nqui³-ni³ tsa³c⁷el¹jna³nta³
 t⁷a³ts²e⁴ cjoa⁴je³ya³. **24** Xi³ coi³ ña¹-vi⁴
 nca³ c⁷oa⁴-ti⁴ Ni³na¹ qui³nchja⁴-na¹,
 a³li² tsa² to⁴je²-jin² xi³ ts²e⁴ cho⁴ta⁴
 judío, to⁴nca³ c⁷oa⁴-ti⁴ cho⁴ta⁴ xi³
 ts²e⁴ xi³ li² judío-jin². **25** Jo³-s⁷in²
 nca³ Ni³na¹ c⁷oa⁴-ti⁴ tso² ya⁴ ts²e⁴
 Oseas: Coi³nchja²³-le⁴ na⁴xi¹na³nta¹-
 na⁴, je² xi³ ts² tsa² coi³ ts²an⁴
 na⁴xi¹na³nta¹. C⁷oa⁴-ti⁴ coi³nchja²³-
 le⁴ xi³ tja²que⁴, je² xi³ ts² tsa² coi³
 coan³tja²que⁴. **26** C⁷oa⁴ coan⁴ ya⁴
 ?nte³ jna³ nca³ c⁷oa⁴tsa³c⁷in²-le⁴ve⁴,
 jon²-vi⁴ a³li² na⁴xi¹na³nta¹-na⁴jin²,
 ya⁴ coi⁴no²cjoa⁴-le⁴ ?nti¹-le⁴ Ni³na¹
 xi³ ti¹jna³con³. **27** C⁷oa⁴-ti⁴ Isaías

nchja⁴ya³ xi³ t⁷a³ts²e⁴ Israel: Nta³
 tsa² c⁷oa⁴tjin¹ ma³-ni³ ?nti¹-le⁴
 Israel jo³ cji³ ma³-ni³ tso³mi¹-le⁴
 nta¹chi³con³, to⁴je² xi³ c⁷oa⁴nqui³
 coi³tjo³ntjai²-ni¹. **28** Nca⁴ je² Nai³-
 na¹ si⁴²jnco³ cjoa⁴qui²xi⁴-le⁴ xi³
 tjin¹ne²-le⁴ son^{3?}nte³ nca³ ña³qui³
 c⁷oa⁴tjin¹, c⁷oa⁴ nti⁴ton⁴ c⁷oa⁴coan⁴.
29 Jo³-s⁷in² nca³ to⁴nqui³-ni³
 c⁷oa⁴qui³tso² Isaías: Tsa² je² Nai³-
 na¹ xi³ Nai³-le⁴ so³nta²do⁴ tsa²
 tsi² qui³si³ca³tio²con³-na¹ ntje⁴,
 c⁷oa⁴-ti⁴s⁷in² c⁷oa⁴coan³² jo³ coan³
 Sodoma, c⁷oa⁴-ti⁴s⁷in² c⁷oa⁴coan³
 cjoan³² jo³ cjoan³ Gomorra.

 Je² cjoa⁴qui²xi⁴ xi³ to⁴t⁷a³ts²e⁴
 nca³ ma³cjain¹-na¹
30 Jme¹ xi³ coi⁴xoan¹-ni³: Je² cho⁴ta⁴
 xi³ li² judío-jin², xi³ tsi² qui³tjen⁴nqui³-
 le⁴ cjoa⁴qui²xi⁴-le⁴ Ni³na¹,
 ji³cho²tjen⁴nqui³ xi³ cjoa⁴qui²xi⁴, xi³
 coi³ cjoa⁴qui²xi⁴ tjoe¹-na¹ xi³ to⁴t⁷a³ts²e⁴
 nca³ ma³cjain¹-na¹, **31** to⁴nca³
 cho⁴ta⁴ Israel xi³ qui³tjen⁴nqui³-
 le⁴ je² cjoa⁴te¹xo³ma³ xi³ v²e¹ne² xi³
 cjoa⁴qui²xi⁴ li²coi³ ji³cho²tjen⁴nqui³-
 le⁴ nca³ qui³si³jnco³ cjoa⁴te¹xo³ma³
 xi³ v²e¹ne² xi³ cjoa⁴qui²xi⁴. **32** A¹-ni³.
 To⁴coi³ nca³ li²coi³ qui³tjen⁴nqui³-le⁴
 xi³ cjoa⁴qui²xi⁴ xi³ to⁴t⁷a³ts²e⁴ nca³
 coan³cjain¹-le⁴, to⁴nca³ c⁷oa⁴-s⁷in²
 qui³tjen⁴nqui³-le⁴ xi³ cjoa⁴qui²xi⁴
 xi³ to⁴t⁷a³ts²e⁴ nca³ qui³si³xa¹-le⁴
 cjoa⁴te¹xo³ma³. Ya⁴ qui³sa³te³nqui³-ni³
 ya⁴ la⁴jao⁴ xi³ qui³jna³chjao². **33** Jo³-s⁷in²
 tji¹t⁷a³. Coe⁴-ni³ i⁴ c⁷oe³jna²³ ya⁴ Síon
 la⁴jao⁴ xi³ qui³jna³chjao², c⁷oa⁴ la⁴jao⁴
 xi³ sa³te¹nquia³². Je² xi³ coan⁴cjain¹-le⁴
 t⁷a³ts²e⁴ li²coi³ coan⁴soa³-le⁴.
10 Nts²e³, ña³qui³ cjoa⁴qui²xi⁴
 ni¹ coi³ xi³ me³-le⁴ ni⁴ma⁴-
 na⁴, c⁷oa⁴ coi³ xi³ v²e³ts²oa²³-le⁴

Ni³na¹ t²a³ts²e⁴ Israel, nca³ coi⁴tjo³ntjai². ²Nca⁴ an³ tsjoa³ cjoa⁴qui²xi⁴ t²a³ts²e⁴ Israel nca³ n²ion¹ xcon¹ ve³ Ni³na¹, to⁴nca³ li²coi³ jo³-s²in² ma³chjen¹ cjoa⁴i³sen³ta³con². ³Li²coi³ ve³ cjoa⁴qui²xi⁴ xi³ Ni³na¹ tsjoa¹. To⁴coi³ xi³ me³-le⁴ nca³ v²a³sje³ cjoa⁴qui²xi⁴ xi³ ti⁴ts²e⁴-ni³. Li²coi³ na³nqui³ tsa³ca³tio²-le⁴ cjoa⁴qui²xi⁴ le⁴ Ni³na¹. ⁴Cristo qui³si³cje³t²a³ cjoa⁴te¹xo³ma³-ve⁴, jme¹-ni³ nca³ s²e⁴-si¹ni³le⁴ cjoa⁴qui²xi⁴ nca³ts²i³ xi³ ma³cjain¹-le⁴. ⁵Je² Moisés c²oa⁴-s²in² qui³squi³ t²a³ts²e⁴ je² cjoa⁴qui²xi⁴ xi³ ts²e⁴ cjoa⁴te¹xo³ma³: Je² cho⁴ta⁴ xi³ c²oa⁴s²in² je² cjoa⁴ je²-vi⁴, xi³ to⁴t²a³ts²e⁴ je² cjoa⁴-vi⁴ c²oe¹jna³con³-ni¹. ⁶To⁴nca³ je² cjoa⁴qui²xi⁴ xi³ to⁴t²a³ts²e⁴ nca³ ma³cjain¹-na¹ c²oi⁴tso²: A³li² c²oa⁴-jin² tso² ni⁴ma⁴-li⁴: ⁷ya¹ xi³ coai⁴ nc²a³jmi³, (xi³ tso²-ni³, nca³ coai⁴ c²a¹jen³ Cristo) . ⁷A³xo⁴: ⁷ya¹ xi³ coai⁴s²en³ tsjo¹ cjoa⁴vi³ya³, (xi³ tso²-ni³, nca³ coai⁴ c²a¹jin³nqui²ntia³-ni³ c²en³ Cristo) . ⁸To⁴nca³ jo¹ tso². Je² en¹-ve⁴ čhian³ ti¹jna³-li², ti¹jna³a³ ntso⁴vai³, c²oa⁴ ya⁴ ti¹jna³jin³ ni⁴ma⁴-li⁴. Je²-vi⁴ je² en¹ xi³ t²a³ts²e⁴ nca³ ma³cjain¹-na¹, jna³-le⁴ xi³ no²cjoa⁴ya³jin³-ni³jin⁴. ⁹Xi³ coi³-vi⁴, tsa² si⁴qui²xi⁴ya³nta³-lai⁴ cao⁴ ntso⁴vai³ nca³ Nai³-li⁴ Jesús, c²oa⁴ tsa² coan⁴cjain¹-le⁴ ni⁴ma⁴-li⁴ nca³ Ni³na¹ qui³si³cja³a¹ya³jin³-ni³le⁴ c²en³ Cristo, c²ia⁴ coi²tjo⁴ntjai²-ni¹ni³. ¹⁰Nca⁴ cao⁴ ni⁴ma⁴-na¹ ma³cjain¹-na¹ xi³ t²a³ts²e⁴ nca³ cjoet²a³ je¹-na¹, to⁴nca³ cao⁴ ntso⁴va³² ni²qui²xi⁴ya³nta³-nia¹ xi³ t²a³ts²e⁴ nca³ coi²tjo⁴ntje². ¹¹Je² xon⁴ Escritura tso²: Je² nca³ts²i³

xi³ ma³cjain¹-le⁴ t²a³ts²e⁴ Cristo, li²coi³ coan⁴soa³-le⁴. ¹²Nca⁴ Ni³na¹ to⁴nco¹son² fi²cao⁴ cho⁴ta⁴ judío cao⁴ cho⁴ta⁴ griego, nca³ ti⁴je²-ni³ Cristo xi³ Nai³-le⁴ nca³ts²i³, n²ion¹ tjin¹-le⁴ cjoa⁴nchi⁴na¹ t²a³ts²e⁴ nca³ts²i³ xi³ nchja⁴-le⁴. ¹³Nca⁴ nca³ts²i³ to⁴ya³-ni³ve⁴ xi³ coi⁴nchja⁴-le⁴ jan³ain¹-le⁴ Nai³-na¹, coi⁴tjo³ntjai²-ni¹ni³. ¹⁴Jo¹-s²in² coi⁴nchja⁴-le⁴ Cristo tso²c²oa⁴, nca³ je² xi³ tsi² coan³cjain¹-le⁴ t²a³ts²e⁴, nca³ je² xi³ tsi²coi³ nch²oe¹ t²a³ts²e⁴. C²oa⁴ jo¹s²in² coan⁴-ni³ cjo⁴nch²oe¹, tsa² tsin² xi³ coi⁴nchja⁴ya³jin³-le⁴. ¹⁵C²oa⁴ jo¹-s²in² coi⁴nchja⁴ya³jin³-le⁴ tsa²tsi² ?ya³ xi³ si⁴ca³sen¹-le⁴, jo³-s²in² tji¹t²a³: Li²to⁴c²oa⁴ na³sca¹ cjoan³ ntso⁴co⁴ je² xi³ ts²e⁴ xi³ nchja⁴ya³jin³ je² en¹nta³-le⁴ t²a³ts²e⁴ xi³ nch²an¹ tjin¹, xi³ ts²e⁴ xi³ nchja⁴ya³jin³ je² en¹nta³-le⁴ t²a³ts²e⁴ xi³ nta³ tjin¹. ¹⁶To⁴nca³ li²coi³ nca³ts²i³ xi³ qui³si³tjo³son² en¹nta³-vi⁴, nca³ je² Isaías tso²: Señor, ?ya¹ xi³ coan³cjain¹-le⁴ en¹ xi³ qui³no²cjoa⁴yai³⁴-jin⁴. ¹⁷C²oa⁴-s²in² ma³cjain¹-na¹ xi³ to⁴t²a³ts²e⁴ nca³ no²ya². C²oa⁴ c²oa⁴-s²in² no²ya² xi³ to⁴t²a³ts²e⁴ en¹-le⁴ Ni³na¹. ¹⁸To⁴nca³ c²oa⁴xian³: A³tsi² qui³nch²oe¹. Na³qui³ c²oa⁴tjin¹, nca³qui³jnta² son³nte³ ts²a³tji³vi¹son² jta⁴-le⁴, c²oa⁴ ji³cho² en¹-le⁴ sa³nta³ jna³ tjen⁴ fe³t²a³-ni³ son³nte³. ¹⁹To⁴nca³ c²oa⁴xian³: A³tsi² tsa³ve³ je²-vi⁴ cho⁴ta⁴ Israel. Ti¹tjon² Moisés tso²: An³ si³chi⁴ni⁴-no³ co²ntran⁴-le⁴ cho⁴ta⁴ xi³ tsi² na⁴xi⁴na³nta¹, c²oa⁴ co²ntran⁴-le⁴ cho⁴ta⁴ xi³ tsi²coi³ si³cja³ai³tsjen³ si³jtji³-no³. ²⁰To⁴sa³ Isaías ma³n²ion¹con³ nca³ tso²: Coan³sjai³-le⁴ nca³ je² xi³ tsi²

tsa³ca¹sjai³-na³, c⁷oa⁴ tsa³ca³co³-
le⁴ yao³-na⁴ je² xi³ tsi² tsa² coi³
qui³tsi²na³nqui³ t²a³ts²an⁴. ²¹To⁴nca³
xi³ t²a³ts²e⁴ cho⁴ta⁴ Israel tso²:
Nca³yi³je³ ni⁴čhjin³ tsa³cjen³-le⁴
ntsa⁴ jnco³ na⁴xi⁴na³nta¹ xi³ xi¹jin³,
xi³ to⁴cja⁴ai¹-nca¹ tso².

Je² xi³ ts²e⁴ cho⁴ta⁴ Israel xi³ Ni³na¹
tsa³cja³a¹jin³ cao⁴ cjoa⁴nta³-le⁴

11 C⁷oa⁴xian³-ni³: A³
tsa³c²a³sje³t²a³xin²-ni¹
Ni³na¹ na⁴xi⁴na³nta¹-le⁴. Ma³jain²,
ni⁴²i⁴ts¹-jin² c⁷oa⁴tjin¹. C⁷oa⁴-ti⁴
an³-vi⁴ cho⁴ta⁴ israelita nia¹³, ntje⁴-
le⁴ Abraham nia¹³, xi³ ti⁴coi³-nia³
xi¹nejin¹ Benjamín. ²Ni³na¹ li²coi³
tsa³c²a³sje³xin² na⁴xi⁴na³nta¹-le⁴ xi³
to⁴nqui³-ni³ tsa³ve³. A³ tsi² ²yao³
jo³ tso² xon⁴ Escritura t²a³ts²e⁴
Elías, jo³-s²in² nca³ tsa³c²e¹ts²oa³-
le⁴ Ni³na¹ co²ntran⁴-le⁴ Israel,
³Señor, qui³si³c²en³ cho⁴ta⁴-li⁴
xi³ qui³nhchja⁴ya³ t²tsi⁴, c⁷oa⁴
qui³si³xcoa⁴ya³ son²xta²-li⁴, c⁷oa⁴
to⁴an³ tsa³ca²te⁴jna³, c⁷oa⁴ me³-xo¹le⁴
nca³ si⁴c²en³-na³. ⁴To⁴nca³ jo¹-s²in²
qui³si³c²o¹fa³ya³-le⁴ en¹ Ni³na¹:
Na³to³ jmi³ cho⁴ta⁴ qui³si³ca³tioa²³
xi³ t²a³ts²an⁴ xi³ tsi² tsa² ya⁴
tsa³qui³ncha³xco¹nch²in³t²a³-le⁴
Baal. ⁵C⁷oa⁴-ti⁴s²in²ni³, nta³ tsa²
coi³ ni⁴čhjin³ je²-vi⁴ to⁴jo³ tjin¹-sa³
cho⁴ta⁴ xi³ njen³nqui³ xi³ Ni³na¹
tsa³cja³a¹jin³-ni³ cao⁴ cjoa⁴nta³-
le⁴. ⁶C⁷ia⁴ tsa² to⁴t²a³ts²e⁴ cjoa⁴nta³,
li²coi³ to⁴t²a³ts²e⁴ xa¹na¹ni³. Tsa²
cja⁴ai¹ tjin¹ cjoa⁴, je² cjoa⁴nta³-
ve⁴ a³li² ti⁴cjoa⁴nta³-ni³ni³. C⁷oa⁴
tsa² to⁴t²a³ts²e⁴ xa¹na¹, a³li²
ti⁴cjoa⁴nta³-ni³ni³. Tsa² cja⁴ai¹
tjin¹ cjoa⁴, je² xa¹na¹ li²coi³ ti⁴xa¹-
ni³ni³. ⁷Jme¹-ni³ni³. Israel li²coi³

ji³cho²tjen⁴nqui³-le⁴ jme³ xi³
tsa³ca¹sjai³, to⁴nca³ je² xi³ Ni³na¹
tsa³cja³a¹jin³ ji³cho²tjen⁴nqui³-
le⁴. C⁷oa⁴ je² xi³c²a³ ña³qui³ n²ion¹
xi¹jin³ coan³. ⁸Jo³-s²in² tji¹t²a³:
Ni³na¹ qui³tsjоa³-le⁴ nca³ cjai¹nca³
njion² tjiо¹ ni⁴ma⁴-le⁴, c⁷oa⁴ xcon⁴
xi³ tsi² ma³tsen³-ni³le⁴, c⁷oa⁴ xo⁴ño³
xi³ tsi²coi³ nčh²oe¹-ni³, sa³nta³
je² ni⁴čhjin³-vi⁴. ⁹C⁷oa⁴ David
tso²: Ca²ta³v²a³ntjai²ya³ s²oi¹-
le⁴. Jnco³ n²o¹chji⁴ye⁴ ca²ta³ma³,
c⁷oa⁴ na⁴ya³ xi³ ya⁴ tsao³ya³, c⁷oa⁴
la⁴jao⁴ xi³ sa³te¹nqui³, c⁷oa⁴ cao⁴
cjoa⁴ñain³-le⁴ ca²ta³v²e¹chji¹-ni³.
¹⁰Ca²ta³s²e³chjoa²nqui³ xcon⁴, jme¹-
ni³ nca³ tsi² scoe⁴-si¹ni³. Nca³ntsjai²
ca²ta³mi³nti³ya³cao⁴ ya¹ts²in⁴.

C⁷oa⁴-ti⁴ ja³ai³-le⁴ cjoa⁴vi³tjo³ntjai²
cho⁴ta⁴ xi³ li² judío-jin²

¹¹C⁷oa⁴xian³-ni³: A³
qui³sa³te²nqui²-ni³ jo³ sa³nta³
nca³ qui³tsao³nti²jao³. Ma³jain²,
ni⁴²i⁴ts¹-jin², to⁴nca³ to⁴t²a³ts²e⁴
nca³ qui³tsao³jin³ je¹ cho⁴ta⁴ Israel,
c⁷oa⁴s²in²ja³ai³-le⁴ cjoa⁴vi³tjo³ntjai²
cho⁴ta⁴ xi³ li² judío-jin², jme¹-
ni³ nca³ coan⁴chi⁴ni⁴que³-si¹ni³
cho⁴ta⁴ Israel. ¹²Tsa² to⁴t²a³ts²e⁴
nca³ qui³tsao³jin³ je¹ cho⁴ta⁴ Israel,
coi³ nca³ s²e⁴-le⁴ cjoa⁴nchi⁴na¹
son³nte³-vi⁴, c⁷oa⁴ tsa² to⁴t²a³ts²e⁴
nca³ qui³cha³-le⁴ cho⁴ta⁴ Israel, coi³
nca³ s²e⁴-le⁴ cjoa⁴nchi⁴na¹ cho⁴ta⁴ xi³
li² judío-jin², jo¹ tjin¹-sa³ cjoa⁴nta³
xi³ s²e⁴-le⁴ c²ia⁴ nca³ coan⁴jnco³-ni³
cho⁴ta⁴ judío. ¹³Jon² xi³ fa³cao⁴-
no³ xi³ cho⁴ta⁴ xi³ li² judío-jin². Coi³
nca³ an³ nia¹³ xi³ pa²stro⁴-le⁴ cho⁴ta⁴
xi³ li² judío-jin², v²a³sje³ya²³ je²
xa¹ xi³ tsa³c²ai²-na³, ¹⁴tsa² to⁴jo³-
s²in²ni³ cjoa⁴ coan⁴-na³ si³chi⁴nia³ je²

xi³ xi²nquia⁴, tsa² c²oa⁴-ti⁴ coan⁴-
na³ c²oa⁴sje³ntje² jnco³joa² xi³ je².
15 Tsa² je² xi³ qui³tsjion³con³-le⁴
Ni³na¹, tsa² coi³ cjoa⁴ je²-vi⁴ nca³
tsa³cjao²nta³-ni³ cho⁴ta⁴son³nte³
cao⁴ Ni³na¹, jme¹ xi³ coan⁴ c²ia⁴ nca³
tjo¹ve¹tjao² nca³ je², tsa² ts¹ jo³-
ni³ xi³ tjo¹ve¹tjao² cjoa⁴vi³jna³chon³
nca³jao³-le⁴ cjoa⁴vi³ya³. **16** Tsa²
je² xi³ ti¹ton² ntje⁴ xi³ v²ai²t²a³,
tsje³ ni¹, c²oa⁴²-ti⁴ tsje³ nca³yi³je³.
C²oa⁴ tsa² je² ja⁴ma⁴-ve⁴ tsje³ ni¹,
c²oa⁴²-ti⁴ cjoan³ ya¹ntsja³-ni³.
17 C²ia⁴ tsa² jnco³ jao² ya¹ntsja³ xi³
qui³ti³t²a³, c²oa⁴ ji³ ni¹ xi³ ya¹oliva
xi³ jin³jña¹ cji³ma³jchai¹³, ya⁴²
ti³sen³jna³yai³ ?nte³-le⁴ nca³ je²,
c²oa⁴ ya⁴² tji¹cjao³coai⁴ ja⁴ma⁴ nca³
chjoai¹³ nca³n²ion¹-le⁴ ya¹oliva.
18 A³li² ch²a²sje³je³ya³-jin²lai⁴ yao³-
li⁴ ya¹ntsja³ xi³ qui³ti³t²a³-ve⁴.
C²oa⁴ tsa² ch²a²sje³je³ya³-lai⁴ yao³-
li⁴, ca²ta³fa³a¹ti³tsjen³-li² nca³ ts¹
tsa² coi³ ji³ xi³ v²ai²-lai⁴ nca³n²ion¹
ja⁴ma⁴-ve⁴, to⁴nca³ je² ja⁴ma⁴-ve⁴ xi³
tsjao¹-li² nca³n²ion¹. **19** Ji³ c²oa⁴-la²
si³. Je² ya¹ntsja³ qui³ti³t²a³, jme¹-ni³
nca³ an³ coa²se⁴jna³ya³-nia³ ?nte³-
le⁴. **20** Nta³ tjin¹. To⁴t²a³ts²e⁴ nca³ tsi²
tsa² coan³cjain¹-le⁴ nca³ qui³ti³t²a³-
ni³ nca³ je². To⁴nca³ ji³ to⁴t²a³ts²e⁴
nca³ ma³cjain¹-li², vi³sen²jna³n²ion¹-
ni³. A³li² nc²a³ta³con²-jin² mai³,
to⁴sa³ ti⁴jcon¹-lai⁴. **21** Nca⁴ tsa²
Ni³na¹ li² coi³ tsa³c²e¹chjoa²-le⁴
nca³ qui³s²e³-le⁴ cjoa⁴ñ²ain³ je² xi³
to⁴xa¹ ya¹ntsja³-ni³, c²oa⁴²-ti⁴ ji³
ni⁴²ti⁴tse¹-jin² c²oe⁴²chjoa²-li² nca³
s²e⁴-li⁴ cjoa⁴ñ²ain³. **22** Cho¹tsen³-
lai⁴ni³, je² cjoa⁴nta³-le⁴ c²oa⁴ je²
cjoa⁴ta²ja³ta³con²-le⁴ Ni³na¹, je²
cjoa⁴ta²ja³ta³con²-le⁴ xi³ t²a³ts²e⁴
je² xi³ qui³tsao³-ve⁴, to⁴nca³ je²

cjoa⁴nta³-le⁴ Ni³na¹ xi³ t²a³tsi⁴,
tsa² c²oa⁴-s²in² coi⁴jna³cao⁴-sai³
je² cjoa⁴nta³-ve⁴. C²oa⁴ tsa² mai³,
c²oa⁴-ti⁴ ji³ coi⁴cha¹t²a³-li²²ni³.
23 C²oa⁴ nta³ tsa² je² xi³c²a³, tsa²
tsi² c²oa⁴-s²in² c²oe¹yo³cao⁴ nca³
tsi² ma³cjain¹-le⁴, sa⁴sen¹jna³ya³
?nte³-le⁴, nca⁴ Ni³na¹ tjin¹-le⁴
nca³n²ion¹ nca³ si⁴²ca³sen¹jna³ya³
nqui²jnco³c²a² ?nte³-le⁴. **24** Tsa² ji³ xi³
qui³ti³t²ai³ je² ya¹oliva xi³ to⁴xa¹
cjoan³-ni³ jin³jña¹, c²oa⁴ c²oa⁴-s²in²
sa³sen¹jna³yai³ ?nte³-le⁴ xi³ nqui²sa⁴
nta³ ya¹oliva xi³ ts¹ tsa² coi³ to⁴xa¹
cjoan³-ni³ jin³jña¹, jo¹ tjin¹-sa³ je²-ve⁴
xi³ ña³qui³ xa¹ cjoan³-ni³ ya¹ntsja³
ya¹-ve⁴ c²oa⁴-ti⁴ sa⁴sen¹jna³ya³
nqui²jnco³c²a² ?nte³-le⁴ ya⁴ ya¹oliva
xi³ ts²e⁴.

**Cho⁴ta⁴ Israel sa⁴co²-
le⁴ cjoa⁴ma⁴ta³con²**

25 Nca⁴ tsi²coi³ me³-na³, nts²e³,
nca³ tsi² jchao⁴³ je² cjoa⁴²ma³-ve⁴,
jme¹-ni³ nca³ tsi² n²ion¹ nc²a³ta³con²³
coan⁴-si¹nio³ xi³ ti⁴t²a³tsaon⁴³-nio³.
Je² cjoa⁴ta²ja³ta³con² xi³ coan³c²a³-
le⁴ cho⁴ta⁴ Israel, jo³ sa³nta³ nca³
cjoe⁴ coan⁴jnco³ nca³ts²i³ cho⁴ta⁴ xi³
li² judío-jin² xi³ cjoa⁴²a³s²en³. **26** C²ia⁴
nca³ c²oa⁴-s²in² cjoe⁴ coan⁴-ve⁴,
nca³ts²i³ cho⁴ta⁴ Israel coi⁴tjo³ntjai²,
jo³-s²in² tji¹t²a³: Ya⁴ Síon cjo⁴n²hoa³-
ni³ xi³ c²oa⁴sje³ntjai², je² xi³
cjoa⁴²a²xin²-le⁴ Jacobo cjoa⁴ xi³ tsi²
ve³xcon¹ Ni³na¹. **27** Je²-vi⁴ cjoa⁴ xi³
c²oe³nta³coa⁴ c²ia⁴ nca³ cjoa³a³xian²³
je¹-le⁴. **28** C²oa⁴-s²in² xi³ t²a³ts²e⁴ je²
en¹nta³ xi³ t²a³ts²e⁴ Cristo, co²ntran⁴
ma³-le⁴. Coi³ cjoa⁴ c²oa⁴coan³ xi³
t²a³tsaon⁴³. To⁴-nca³ jo³-s²in² nca³
Ni³na¹ tsa³cja³a¹jin³, Ni³na¹ cja¹nca³
tjao²que³ nca³ je² xi³ t²a³ts²e⁴

n³ai³jcha¹cjin³-le⁴. ²⁹Nca⁴ li²coi³
 coan⁴ c²oa⁴ntjai²ya³ cjoa⁴tja²-le⁴
 Ni³na¹ cao⁴ jo³-s²in² nca³ qui³nchja⁴-
 le⁴ Ni³na¹. ³⁰Jo³-s²in² nca³ c²oa⁴-ti⁴
 jon²-vi⁴ c²ia⁴ li²coi³ qui³ni²tjo³son²-
 lao⁴³ Ni³na¹, to⁴nca³ nt²ai⁴-vi⁴
 qui³sa³co³-no³ cjoa⁴ma⁴ta³con²
 to⁴t²a³ts²e⁴ nca³ tsi² qui³si³tjo³son²-
 le⁴ nca³ je². ³¹C²oa⁴-ti⁴s²in² je²-vi⁴
 nt²ai⁴-vi⁴ li²coi³ qui³si³tjo³son²-le⁴,
 jme¹-ni³ nca³ c²oa⁴-ti⁴ je² sa⁴co²-
 le⁴ cjoa⁴ma⁴ta³con² to⁴t²a³ts²e⁴
 cjoa⁴ma⁴ta³con² xi³ qui³sa³co³-
 no³ nca³ jon². ³²Nca⁴ Ni³na¹
 tsa³c²e¹yo³nqui³-le⁴ nca³ts²i³ nca³ tsi²
 tsa² qui³si³tjo³son²-le⁴, jme¹-ni³ nca³
 coan⁴ma⁴que³-si¹ni³ nca³ts²i³. ³³Li²
 to⁴c²oa⁴cji³ tse³ tjin¹ cjoa⁴chji⁴ne⁴-le⁴
 cao⁴ cjoa⁴i²sen³ta³con²-le⁴ Ni³na¹.
 Ni⁴ya³-jin² xi³ ma³-le⁴ ma³cho⁴ya³-
 le⁴ jo³ tjin¹ cjoa⁴te¹xo³ma³-le⁴
 Ni³na¹. Ni⁴ya³-jin² xi³ ma³-le⁴ ve³
 ntia⁴²-le⁴. ³⁴ya¹ xi³ coan³cho⁴ya³-le⁴
 cjoa⁴fa³ai³tsjen³-le⁴ Nai³-na¹. A³xo⁴
 ?ya¹ xi³ qui³tso²ya³-le⁴. ³⁵A³xo⁴ ?ya¹
 xi³ ti¹tjon² qui³tsjоa³-le⁴ nca³ je²,
 jme¹-ni³ nca³ coan³chji¹-si¹ni³le⁴.
³⁶Nca³yi³je³ cjoa⁴ ji³nchoa³-ni³
 nca³ je². Nca³yi³je³ cjoa⁴ t²a³ts²e⁴
 qui³s²e³nta. C²oa⁴ nca³yi³je³
 cjoa⁴ tijo¹ t²a³ts²e⁴. Ca²ta³s²e³-le⁴
 cjoa⁴je³ya³ nca³ je² to⁴jo³ tjin¹-ni³
 ni⁴chjin³. C²oa⁴ ca²ta³ma³.

Cjoa⁴ xi³ ma³chjen¹-
 le⁴ cho⁴ta⁴-le⁴ Cristo

12 C²oa⁴-s²in² nts²e³,
 c²oe³ts²oa²³-no³ xi³
 to⁴t²a³ts²e⁴ cjoa⁴ma⁴ta³con²-le⁴
 Ni³na¹, nca³ coi⁴ncha³va³saon³ yao³-
 no³ nca³ c²oi⁴t²a³-lao⁴³ Ni³na¹ je²
 yao³-no³ jo³-ni³ jnco³ cjoa⁴tja² xi³
 ti¹jna³con³, xi³ tsje³, xi³ sa³sen¹-le⁴

Ni³na¹. C²oa⁴²-s²in² ma³chjen¹-
 lao⁴³ Ni³na¹ cao⁴ ni⁴ma⁴-no³. ²A³li²
 c²oa⁴-jin²s²in² ma³nquin¹cao⁴³
 yao³-no³ jo³ tjin¹ cjoa⁴son³nte³-
 vi⁴. Ca²ta³v²a³ntjai²yao³
 yao³-no³ nca³ coan⁴cho⁴tse⁴ya³nta³
 nqui²jnco³c²a²-ni³ cjoa⁴fa³ai³tsjen³-
 no³, jme¹-ni³ nca³ jcha⁴-si¹nio³
 jme³-ni³ xi³ Ni³na¹ me³-le⁴, jña³-
 le⁴ xi³ nta³, xi³ sa³sen¹-le⁴, xi³
 ña³qui³ tji¹jnco³. ³C²oa⁴xin³-no³
 nca³ jnco¹jnco¹ xi³ ti³yo³-vi⁴, xi³
 to⁴t²a³ts²e⁴ cjoa⁴nta³ xi³ tsa³c²ai²-
 na³, nca³ tsi² ?ya³ xi³ nqui²sa⁴
 n²ion¹ nc²a³ si⁴²cja³ai³tsjen³-le⁴
 yao³-le⁴ cao⁴-ni³ tsa² xi³ jo³-s²in²
 nca³ va³quin²-le⁴, to⁴nca³ c²oa⁴-
 s²in² ca²ta³si¹cja³ai³tsjen³jin³ nca³
 ni⁴nc²a³-jin² c²oa⁴ ni⁴na³nqui³-
 jin² si⁴²cja³ai³tsjen³ xi³ t²a³ts²e⁴
 yao³-le⁴, to⁴nca³ jo³-s²in² choa⁴
 xi³ Ni³na¹ qui³tsjоa³-le⁴ nca³
 jnco¹jnco¹ nca³ coan³cjain¹-le⁴.
⁴Jo³-s²in² cjoan³ yao³-na¹ nca³ ncjin²
 jco⁴ya³ tjin¹-le⁴, to⁴nca³ nca³yi³je³
 jco⁴ya³-le⁴ yao³-na¹ a³li² to⁴jnco³-
 jin² xa¹ tjin¹-le⁴ xi³ to⁴nco¹son².
⁵C²oa⁴-s²in² xi³ to⁴t²a³ts²e⁴ Cristo
 to⁴jnco³ yao³ nia¹, nta³ tsa² ncjin²
 ma³-nia¹, to⁴nca³ nca³ts²ia³² nca³
 jnco¹jnco¹ xi¹ncjin¹ ma³-ni³ yao³-
 na¹. ⁶C²oa⁴-s²in² cja⁴ai¹-nca¹ cjoan³
 cjoa⁴tja²-le⁴ Espíritu Santo xi³
 tjin¹-le⁴ nca³ jnco¹jnco¹. Jo³-s²in²
 qui³ts²ai²-le⁴ cjoa⁴nta³-le⁴, c²oa⁴-s²in²
 ca²ta³si¹chjen¹. Tsa² cjoa⁴tja²-ve⁴
 nca³ nchja⁴ya³jin³-ni³, ca²ta³si¹chjen¹
 jo³-s²in² choa⁴-le⁴ nca³ ma³cjain¹-
 le⁴, ⁷a³xo⁴ tsa² je² cjoa⁴tja²-ve⁴
 nca³ si¹xa¹, ca²ta³si¹chjen¹ jo³-s²in²
 v²ai²-le⁴ nca³ si¹xa¹, a³xo⁴ je² xi³
 va³co¹ya³, c²oa⁴-s²in² ca²ta³si¹chjen¹
 jo³-s²in² v²ai²-le⁴ nca³ va³co¹ya³. ⁸Je²

xi³ v²e¹t²ain³, ca²ta³si¹chjen¹ jo³.
 s²in² v²ai²-le⁴ nca³ v²e¹t²ain³. Je² xi³
 si¹c²a³vi¹ cjoa⁴tjao², c²oa⁴ca²ta³s²in¹
 cao⁴ cjoa⁴nta³. Je² xi³ ma³ nca³jco⁴-
 le⁴, nta³ ca²ta³si¹coi²nta⁴. Je² xi³
 ma³ma⁴que³, c²oa⁴ca²ta³s²in¹ cao⁴
 cjoa⁴tsjao³. ⁹Je² cjoa⁴tjao²cha³ xi³
 ña³qui³ cjoa⁴qui²xi⁴ ca²ta³ma³.
 Ch²ao³cha³ ca²ta³mao³ xi³ ch²ao³
 tjin¹, n²ion¹ ta³nquin¹t²a³-lao⁴³ xi³
 nta³ tjin¹. ¹⁰Ca²ta³ma³tsjao³chao³
 xi²nquo⁴³ jo³-ni³ nca³ nts²ao³.
 Nqui²sa⁴ ti¹tjon² jcha⁴xcon¹³
 xi³c²a³ jo³-ni³ ts² ti⁴jon²-nio³.
¹¹A³li² ts²e²-jion²³ xi³ n'iaon²³,
 ti⁴xi¹ti¹yao³, tsjao³cjoa⁴ ca²ta³mao³
 cao⁴ Espíritu Santo, c²oa⁴ jo³-ni³
 cho⁴nta³-s²in² ti⁴xa¹-lao⁴³ Nai³-
 na¹. ¹²Cjoa⁴tsjao³ ca²ta³s²e³-no³
 xi³ t²a³ts²e⁴ xi³ cho³ya²-lao⁴³,
 cjoa⁴tse³jta³ ca²ta³s²e³-no³ xi³
 t²a³ts²e⁴ cjoa⁴ñ²ain³ xi³ ti³chja³ao²³,
 t²e²ts²oa³ntsjao²³. ¹³T²ai²-lao⁴³ jme³
 xi³ ma³chjen¹-le⁴ cho⁴ta⁴-le⁴ Cristo,
 t²ai²nt²e³-lao⁴³ cho⁴ta⁴ xi³ xin²
 fa³ai³-ni³. ¹⁴Ti⁴chi³con³t²aon³ je² xi³
 ch²ao³ fi²cao⁴-no³, ti⁴chi³con³t²ain³-
 nio¹³ a³li² no²cjoa⁴aon³-jin²lao⁴³.
¹⁵Ti⁴tsjao³cao⁴³ y²a³ xi³ ma³tsjao³-
 le⁴, chji¹nta¹cao⁴³ y²a³ xi³ cji³nta¹.
¹⁶To⁴jnco³ cjoa⁴fa³ai³tsjen³
 ca²ta³s²e³jin³-no³ nca³ jon², a³li²
 nc²a³con³-jin² mao³, to⁴nca³
 mi²yo⁴ t²iaon⁴³ cho⁴ta⁴yo⁴ma⁴, a³li²
 n²o²sje³nc²a³-jion²³ yao³-no³. ¹⁷A³li²
 ch²ao³-jin² ni²cao⁴³ je² xi³ ch²ao³
 si¹cao⁴-no³, ti⁴coi²ntao⁴³ xi³ nta³
 tjin¹ nqui³xcon⁴ nca³ts²i³ cho⁴ta⁴.
¹⁸To⁴jo³ cji³ nca³yi³je³ xi³ coan⁴-
 no³, c²oa⁴t²iaon⁴³ jme¹-ni³ nca³
 nch²an¹ coi⁴yo³-si¹nio³ cao⁴ nca³ts²i³
 cho⁴ta⁴. ¹⁹Jon² xi³ tsjao³que⁴-no³,
 a³li² ni²jnta²-jin²nio³ nca³ ti⁴jon².

nio³, to⁴nca³ t²ai²nte³-lao⁴³ Ni³na¹
 cao⁴ cjoa⁴jt¹i³-le⁴, nca³ c²oa⁴-s²in²
 tji¹t²a³: An³ xi³ si³jnta²³-nia³, an³
 c²oe³chji¹-nia³, tso² Nai³-na¹. ²⁰Tsa²
 co²ntran⁴-li⁴ xi³ vao³-le⁴, ti⁴cjain²³.
 C²ia⁴ tsa² fa³ti²-le⁴, t²ai²-lai⁴ xi³ sc²oi¹.
 Tsa² c²oa⁴n²iain²³, vi³ncha³nto³soin²³
 jco⁴ co²ntran⁴-li⁴ xo¹l¹i¹-ve⁴. ²¹A³li²
 je²-jin² si⁴²qui³njen³-li² xi³ ch²ao³
 tjin¹-ve⁴, to⁴nca³ ti⁴qui³njen³-lai⁴ xi³
 ch²ao³ tjin¹ xi³ to⁴t²a³ts²e⁴ xi³ nta³
 tjin¹.

13 Nca³ts²i³ cho⁴ta⁴
 ca²ta³si¹tjo³son²-le⁴ cho⁴ta⁴
 xi³ xa¹ tjin¹-le⁴, xi³ va³te¹xo³ma³,
 nca³ tsin² cjoa⁴te¹xo³ma³-jin² xi³ tsi²
 tsjao¹⁷nte³ Ni³na¹, c²oa⁴ je² xi³ tjo¹,
 Ni³na¹ qui³si³qui³ncha¹. ²C²oa⁴-
 s²in² je² cho⁴ta⁴ xi³ v²e²yo³ta²ja³cao⁴
 cho⁴ta⁴ xi³ xa¹ tjin¹-le⁴,
 v²e²yo³ta²ja³cao⁴ cjoa⁴te¹xo³ma³-le⁴
 Ni³na¹, c²oa⁴ je² xi³ v²e²yo³ta²ja³-
 ve⁴ni³, ti⁴je² tjo¹ve¹-le⁴ cjoa⁴ñ²ain³
 yao³-le⁴. ³Je² xi³ xa¹ tjin¹-le⁴,
 a³li² coi³-jin² xa¹ tjin¹-le⁴ nca³
 si¹qui³ncha¹xcon¹ cho⁴ta⁴ xi³ nta³
 s²in¹, to⁴nca³ je² xi³ ch²ao³ s²in¹. A³
 me³-li²ni³ nca³ li²coi³ coi⁴jcon¹-lai⁴
 cho⁴ta⁴xa¹-ve⁴. C²oa⁴t²iain⁴ xi³ nta³
 tjin¹, c²oa⁴ c²oa⁴sje³nta³-li²ni³. ⁴Nca⁴
 je² cho⁴ta⁴xa¹ si¹xa¹-le⁴ Ni³na¹ nca³
 nta³ coi⁴jna³-ni³ nca³ ji³. C²ia⁴ tsa²
 ji³ xi³ ch²ao³ s²in⁴, ti⁴jcon¹-lai⁴,
 nca³ tsi² tsa² to⁴cjoa⁴tjao²-jin² y²a³
 je² qui⁴cha⁴, nca³ je² xi³ si¹xa¹-le⁴
 Ni³na¹, xi³ si¹jnta²-le⁴, xi³ tsjao¹-le⁴
 cjoa⁴ñ²ain³ xi³ ch²ao³ s²in¹. ⁵Coi³
 nca³ ma³chjen¹-ni¹ nca³ na³nqui³
 ti⁴yo³-lao⁴³, a³li² tsa² to⁴coi³-jin²
 nca³ li²coi³ ti⁴cjoa⁴ñ²ain³ s²e⁴-
 ni³no³, to⁴nca³ c²oa⁴-ti⁴ t²a³ts²e⁴
 cjoa⁴fa³ai³tsjen³-no³. ⁶Nca⁴ coi³
 cjoa⁴-vi⁴ nca³ c²oe¹chji¹ntjao²³,

nca³ je² cho⁴ta⁴xa¹ to⁴xa¹ tjo¹-
ni³le⁴ Ni³na¹ nca³ nta³ si¹coi²nta⁴ xi³
ti⁴coi³-ni³ cjoa⁴ je²-vi⁴. 7 T²e²chji¹-
lao⁴³ nca³ts²i³ xi³ qui³tjen⁴-no³
ts²e⁴, tsa² taon⁴sa¹ t²e²chji¹-lao⁴³
taon⁴sa¹-no³, tsa² taon⁴va³sen³ ni¹,
t²e²chji¹-lao⁴³ taon⁴va³sen³-no³, tsa²
je² xi³ va³quin²-le⁴ cjoa⁴xcon¹ta³con²,
t²ai²-lao⁴³ cjoa⁴xcon¹ta³con², tsa² je²
xi³ va³quin²-le⁴ cjoa⁴n⁷o²sje³nta³,
t²ai²-lao⁴³ cjoa⁴n⁷o²sje³nta³.

8 Ni⁴to⁴jme³-jin² xi³ qui³tjen⁴-
no³ cao⁴ ya³-ni³ve⁴, to⁴je²-jin²
cjoa⁴tjao²cha³ nca³ ma³tsjoa³chao³
xi²nquio⁴³. Je² xi³ tsjoa³que³
xi¹ncjin¹, je² xi³ si¹qui³tjo³son²
cjoa⁴te¹xo³ma³. 9 Je² cjoa⁴te¹xo³ma³
xi³ tso²: A³li² cha³jnqui³t²a³-jin²
mai³, a³li² ni²c⁷en³-jin², a³li² ni²che¹-
jin², a³li² en¹nti³so³-jin² no²cjoai⁴,
a³li² ma³xin²ta³con²cha³-jin². C⁷ia⁴
tsa² tjin¹-sa³ nqui²jnco³ xi³ cja⁴ai¹
cjoa⁴te¹xo³ma³, i⁴² ti¹chnhja⁴yi³je³
cjoa⁴te¹xo³ma³ je²-vi⁴: Tsjoa³cha³
ca²ta³mai³ xi²nqui⁴ jo³-ni³ tsa²
ti⁴ji³-ni³. 10 Je² cjoa⁴tjao²cha³ a³li²
ch⁷ao³-jin² si¹cao⁴ xi¹ncjin¹. C⁷oa⁴²-
s²in², je² xi³ si¹jnco³ cjoa⁴te¹xo³ma³,
je² xi³ cjoa⁴tjao²cha³. 11 C⁷oa⁴-ti⁴
ya³² jme³ ni⁴chjin³-ni³ nt²ai⁴-vi⁴,
nca³ je² coi³ hora nca³ coi⁴so¹tjen⁴-
le⁴² ni³jña¹-na¹. Nca⁴ nt²ai⁴-vi⁴ntai⁴
nqui²sa⁴ ti¹jna³chian³-na¹ nca³
coi²tjo¹ntje² cao⁴-ni³ tsa² c⁷ia⁴ nca³
ti¹tjon² coan³cjain¹-na¹. 12 Ni⁴tjen⁴
je³fa³a³to³-ni¹, c⁷oa⁴ je³nchoa¹chian³
ni⁴chjin³. Chja⁴²a²xian² tso²c⁷oa⁴
xa¹ xi³ tjin¹ jña³ njion²chon³, c⁷oa⁴
ch⁷a⁴cja¹ na³jño³qui⁴cha⁴ xi³ ts²e⁴
jña³ i³sen³. 13 Nta³ coan³nquin¹coa⁴²
yao³-na¹ jo³-s²in² xi³ cjoa⁴qui²xi⁴
jo³-s²in² v²e²ma³² nca³ ni⁴chjin³.
A³li²coi³ cjoa⁴chi⁴nca⁴ cao⁴ cjoa⁴ch⁷i⁴

coi⁴tso⁴ma³jian³². A³li²coi³ ya¹nchjin¹
cjoa¹jta³² cao⁴ xi³ to⁴xquia⁴
n²ian² cao⁴ yao³-na¹. A³li²coi³
coi⁴xcan³coa⁴² xi²nquia⁴². A³li²coi³
coan⁴xin²ta³con² jcha⁴² xi²nquia⁴².
14 To⁴nca³ c⁷oa⁴-s²in² ca²ta³mao³
jo³ cjoan³ Nai³-na¹ Jesucristo. A³li²
to⁴nqui³-jin²ni³ v²e²nta³-lao⁴³ yao³-
no³ nca³ si⁴tjo³son²-lao⁴³ jo³ tso² xi³
me³-le⁴ yao³-no³.

Xi³ t²a³ts²e⁴ cho⁴ta⁴ xi³ ma³cjain¹-le⁴
to⁴nca³ xi³ cje³ tsm²-sa³le⁴ nca³n⁷ion¹

14 Chjoe¹tjao²yao³ cho⁴ta⁴ xi³
ma³cjain¹-le⁴, to⁴nca³ xi³
cje³ tsin²-sa³le⁴ nca³n⁷ion¹. Li²coi³
coi⁴xcan³coa⁴³ cjoa⁴fa³ai³tsjen³-le⁴.
2 Jnco³ cho⁴ta⁴ ma³cjain¹-le⁴ nca³
ma³ cji³ne³yi³je³ tso³-jmi², c⁷oa⁴ xi³
nqui²jnco³ xi³ tsin²-le⁴ nca³n⁷ion¹-
jin² to⁴nti¹xca⁴ cjen². 3 Je² xi³ cjen²,
a³li² v²a³sje³nqui³-jin² je² xi³ ts²coi³
cjen². C⁷oa⁴ je² xi³ ts²coi³ cjen², a³li²
ve³sin³-jin² je² xi³ cjen², nca⁴ Ni³na¹
xi³ qui³scoe¹tjao². 4²ya¹-ni³ ji³ nca³
?ya³sin³-ni³ cho⁴nta³ xi³ ts²e⁴ xi³ cja⁴-
?ai¹. T²a³ts²e⁴ xi³ ña³qui³ ts²e⁴ nai³-le⁴
nta³ ti¹jna³ a³xo⁴ sca⁴nqui³-je⁴.
To⁴nca³ ña³qui³ nta³ si⁴c⁷eljna³, nca⁴
je² Nai³-na¹ ma³-le⁴ si⁴c⁷e²jna³nta³
nca³ je². 5 Jnco³ xi³ cja⁴ai¹-nca¹s²in²
ve³con³ ni⁴chjin³, to⁴nca³ xi³ cja⁴ai¹
to⁴nco¹son² ve³con³ nca³ntsjai²
ni⁴chjin³. Nca³ jnco¹jnco¹ ña³qui³
ca²ta³s²e³jnco³ta³con². 6 Je² xi³ cjoa⁴-
le⁴ ni⁴chjin³ v²a³, c⁷oa⁴s²in¹ t²a³ts²e⁴
Nai³-na¹, c⁷oa⁴ je² xi³ ts²c⁷ojao⁴-le⁴
ni⁴chjin³ v²a³ c⁷oa⁴-ti⁴s²in¹ t²a³ts²e⁴
Nai³-na¹. Je² xi³ cjen², cjen² t²a³ts²e⁴
Nai³-na¹, nca⁴ tsjoa¹-le⁴ cjoa⁴nta³
Ni³na¹. C⁷oa⁴ je² xi³ ts²coi³ cjen²,
c⁷oa⁴-ti⁴ t²a³ts²e⁴ Nai³-na¹ li²coi³
cjen², c⁷oa⁴ tsjoa¹-le⁴ cjoa⁴nta³

Ni³na¹. ⁷Nca⁴ ni⁴jnco³-jin² xi³ ña¹-vi⁴, xi³ ti¹jna³con³ xi³ ti⁴t²a³ts²e⁴-ni³ yao³-le⁴, c²oa⁴ ni⁴jnco³-jin² xi³ vi³ya³ xi³ ti⁴t²a³ts²e⁴-ni³ yao³-le⁴. ⁸Tsa² ti³yo³chon³-nia¹, to⁴t²a³ts²e⁴ Nai³-na¹ nca³ ti³yo³choan³². Tsa² vi³ya³², to⁴t²a³ts²e⁴ Nai³-na¹ nca³ vi³ya³². C²oa⁴-s²in² tsa² vi³yo³chon³-nia¹ a³xo⁴ vi³ya³-nia¹, ts²e⁴ nia¹ Nai³-na¹. ⁹Cristo co¹ cjoa⁴-vi⁴ c²en³-ni³, c²oa⁴ ja³a²ya³-ni³le⁴, c²oa⁴ tsa³c²e²jna³con³ nqui²jnco³c²a²-ni³, jme¹-ni³ nca³ Nai³-le⁴ coan⁴-si¹ni³ xi³ c²en³ c²oa⁴ xi³ tjio¹con³. ¹⁰To⁴nca³ ji³, a¹-ni³ nca³ nts²ai³ ya³sin³-si¹ni³. A³xo⁴ c²oa⁴-ti⁴ ji³, a¹-ni³ nca³ nts²ai³ n²o²sje³nqui³-si¹ni³. Nca⁴ nca³ts²ia³² coi⁴yoa³² nqui³xcon⁴ cjoa⁴te¹xo³ma³-le⁴ Cristo. ¹¹Nca⁴ c²oa⁴-s²in² tji¹t²a³: Tso² je² Nai³-na¹ve⁴: Jo³-s²in² cjoa⁴qui²xi⁴ nca³ ti²jna⁴coan³, coi⁴ncha¹-na³ xco¹nch²in³-le⁴ nca³ts²i³ cho⁴ta⁴, c²oa⁴ si⁴²qui²xi⁴ya³nta³ Ni³na¹ nca³ts²i³ cho⁴ta⁴. ¹²C²oa⁴-s²in² nca³ts²ia³²-vi⁴ c²oa⁴-le⁴² coi²nta⁴ Ni³na¹ xi³ ti⁴t²a³ts²e⁴ yao³-na¹ni³ nca³ jnco¹jncoa¹. ¹³C²oa⁴-s²in² a³li²coi³ ti⁴jcha⁴sin³-sa³nia³² xi²nquia⁴², to⁴sa³ ti⁴cja³ai³tsjaon³ nca³ts²i²oe¹jnao³ xi³ sa⁴te¹nqui³ nts²ao³, a³xo⁴ ts²i² si⁴ca³jnquito³ je¹ nts²ao³. ¹⁴An³ ve³-nia¹³, c²oa⁴ nta³ ve³coan³ nca³ ti²jna⁴coa⁴ Nai³-na¹ Jesú^s, nca³ ni⁴jme³-jin² xi³ tjin¹ xi³ ch²ao³ tjin¹ nca³ ti⁴je²-ni³, to⁴nca³ je² xi³ si¹cja³ai³tsjen³ nca³ ch²ao³ tjin¹ to⁴jme³ cjoa⁴-ni³ve⁴, t²a³ts²e⁴ ch²ao³ tjin¹-ni³. ¹⁵To⁴nca³ tsa² coi³ cjoa⁴-le⁴ xi³ ma³ vi³chi³-ni³ je² nts²ai³ aon³ ma³-le⁴, ji³ a³li²coi³ ti⁴to²mjen³cao⁴-ni³ cjoa⁴tjao²cha³. A³li² ni²qui³tson¹-jin² nts²ai³ cao⁴ xi³ vi³chi³-ni³ve⁴, jña³-

le⁴ xi³ Cristo c²en³ t²a³ts²e⁴. ¹⁶A³li² no²cjoa⁴ao³-jin²le⁴ xi³ nta³ tjin¹ t²a³tsaon⁴³. ¹⁷Je² cjoa⁴te¹xa³ma³-le⁴ Ni³na¹ a³li² to⁴xquia⁴ tso³jmi² xi³ chi³ne³, ni⁴xi³ yo²-jin², to⁴nca³ xi³ cjoa⁴qui²xi⁴, xi³ nch²an¹ tjin¹, cao⁴ xi³ cjoa⁴tsjoa³ tjin¹-ni¹ xi³ t²a³ts²e⁴ Espíritu Santo. ¹⁸Je² xi³ c²oa⁴-s²in² si¹xa¹-le⁴ Cristo jo³-ni³ cho⁴nta³, sa³sen¹con³-le⁴ Ni³na¹, c²oa⁴ nta³ vi³tjo³ nqui³xcon⁴ cho⁴ta⁴. ¹⁹C²oa⁴-s²in² cjoin³tjen⁴nqui³-le⁴² cjoa⁴ xi³ si¹qui³njen³nch²an¹jin³-na¹, c²oa⁴-ti⁴ je² xi³ si¹quin³nc²a³ xi¹ncjin¹. ²⁰A³li² t²a³ts²e⁴ tso³jmi² xi³ ma³vi³chi³-ni³jin² si⁴qui³xo¹ya³-ni³ je² xa¹ xi³ s²in¹ Ni³na¹. Nca³yi³je³ cjoa⁴ ña³qui³ tsje³-ni¹, to⁴nca³ ch²ao³ tjin¹ t²a³ts²e⁴ cho⁴ta⁴ xi³ si⁴²ca³te¹-nqui³ xi³c²a³ xi³ to⁴t²a³ts²e⁴ nca³ cjen². ²¹Nta³ tjin¹ nca³ ts²i² tsa² yao³ chi³na³, ni⁴yo²-jin² xan¹, c²oa⁴ ni⁴jme³-jin² xi³ n*?*iain²³ xi³ sa⁴te¹nqui³ nts²ai³, xi³ si⁴²ca³jnqui³ je¹, a³xo⁴ xi³ si⁴²i³nta³jin³ nca³ je². ²²Je² xi³ jo³-s²in² ma³cjain¹-li² ca²ta³ma³cjain¹-li² xi³ ti⁴t²tsi⁴-ni³ nqui³xcon⁴ Ni³na¹. Jo¹ to⁴nta³-le⁴ xi³ tsi² v[?]e¹ne²-le⁴ je¹ yao³-le⁴ cao⁴ xi³ co³son²-ni³le⁴ nca³ nta³ tjin¹. ²³To⁴nca³ je² xi³ jao² tjin¹-sa³con², tsa² coa⁴cjen⁴, cjoa⁴ñi²ain³ tjin¹ne²-le⁴, nca³ tsa³cjen² nta³ tsa² tsi² c²oa⁴-s²in² coan³cjain¹-le⁴. C²oa⁴ je² nca³yi³je³ xi³ s²ian⁴², c²oa⁴ tsa² tsi² c²oa⁴-s²in² coan³cjain¹-na¹, je² xi³ je¹-ni³.

15 C²oa⁴-s²in² ña¹-vi⁴ xi³ tjin¹-na¹ nca³n²ion¹, tjin¹ne²-na¹ nca³ coi⁴ncha³coa⁴² cjoa⁴ñi²nta³jin³-le⁴ xi³ tsin²-le⁴ nca³n²ion¹-jin², c²oa⁴ li²coi³ si⁴tsjoa³ya³-le⁴² yao³-na¹ xi³ ti⁴ñia¹-nia³². ²Nca³ jnco¹jncoa¹-vi⁴ si⁴tsjoa³ya³-le⁴² xi²nquia⁴² xi³

t⁷a³-ts⁷e⁴ nca³ nqui²sa⁴ nta³ coan⁴-le⁴ c⁷oa⁴ nca³ coin⁴nc⁷a³-sa³. ³Nca⁴ Cristo li²coi³ ti⁴je² qui³si³tsjoa³ya³-ni³le⁴ yao³-le⁴, to⁴nca³ jo³-s⁷in² tji¹t⁷a³: Je² en¹ xi³ ch⁷ao³ tso², xi³ ts⁷e⁴ je² xi³ ch⁷ao³ qui³tso²-li², qui³sca³son²-na³ an³. ⁴Je² cjoa⁴ qui³chji³t⁷a³ nca³s⁷a⁴, qui³chji³t⁷a³ xi³ t⁷a³ts⁷e⁴ nca³ coa⁴co²ya³-na¹, jme¹-ni³ nca³ s⁷e⁴-si¹ni³na¹ cjoa⁴cho³ya²cao⁴cjoa⁴ xi³ to⁴t⁷a³ts⁷e⁴ cjoa⁴tse³jta³ cao⁴ cjoa⁴ni²je³ta³con² xi³ tjin¹-le⁴ xon⁴ Escrituras. ⁵To⁴nca³ je² Ni³na¹ xi³ tsjoa¹ cjoa⁴ts⁷jta³ cao⁴ cjoa⁴ni²je³ta³con², c⁷oa⁴ ca²ta³tsjoa¹-no³ nca³ to⁴jnco³ cjoa⁴fa³ai³tsjen³ ca²ta³s⁷e³jin³-no³, jo³-s⁷in² qui³tso² Cristo Jesús, ⁶jme¹-ni³ nca³ to⁴jnco³ coan⁴-si¹nio³, nca³ to⁴jnco³ cjoa¹jtao³ nca³ ch⁷a³sje³je³yao³ Ni³na¹-le⁴ c⁷oa⁴ N⁷ai³-le⁴ je² Na³-na¹ Jesucristo.

Je² en¹nta³ xi³ t⁷a³ts⁷e⁴ Cristo c⁷oa⁴-ti⁴ s⁷e⁴-le⁴ cho⁴ta⁴ xi³ li² judío-jin² ⁷Coi³ cjoa⁴ nca³ c⁷oa⁴-s⁷in² chjoe¹tjao² xi²nquio⁴³, jo³-s⁷in² nca³ Cristo qui³scoe¹tjao²-na¹ xi³ t⁷a³ts⁷e⁴ cjoa⁴je³ya³-le⁴ Ni³na¹. ⁸C⁷oa⁴xin³-nia³ nca³ Cristo Jesús coan³ cho⁴nta³-le⁴ cho⁴ta⁴ xi³ ts⁷e⁴ cjoa⁴circuncisión xi³ t⁷a³ts⁷e⁴ cjoa⁴qui²xi⁴-le⁴ Ni³na¹, jme¹-ni³ nca³ c⁷oe⁴²jnco³-si¹ni³ je² cjoa⁴ xi³ Ni³na¹ qui³si³s⁷e³nqui³-le⁴ n⁷ai³jcha¹cjin³-na¹, ⁹c⁷oa⁴ jme¹-ni³ nca³ je² cho⁴ta⁴ xi³ li² judío-jin² c⁷oa⁴sje³je³va³-si¹ni³ Ni³na¹ t⁷a³ts⁷e⁴ cjoa⁴ma⁴ta³con²-le⁴, jo³-s⁷in² tji¹t⁷a³: Coi³ nca³ an³ si³qui²xi⁴ya³nta³ t⁷a³tsi⁴ ja⁴jin³-le⁴ cho⁴ta⁴ xi³ li² judío-jin², c⁷oa⁴ se³ya²³-nia³ t⁷a³ts⁷e⁴ jan³ain¹-li⁴. ¹⁰C⁷oa⁴ nqui²jnco³c⁷a² tso²: Ca²ta³ma³tsjoa³ya³-no³ xi³ cho⁴ta⁴ xi³ li² judío-jin², cao⁴ na⁴xi⁴na³nta¹-

le⁴ Ni³na¹. ¹¹C⁷oa⁴ nqui²jnco³c⁷a² tso²: Ch⁷a³sje³ntao³ Na³-na¹ nca³ts⁷io³ xi³ cho⁴ta⁴ xi³ li² judío-jin², c⁷oa⁴ nca³ts⁷i³ na⁴xi⁴na³nta¹ ch⁷a³sje³je³yao³ Ni³na¹. ¹²C⁷oa⁴ nqui²jnco³c⁷a² tso² Isaías: Jts⁷en¹-le⁴ Isaí cjoj⁴nčhoa³-ni¹, c⁷oa⁴ je² xi³ coi⁴so¹tjen⁴ nca³ coa⁴te²xo³ma³-le⁴ cho⁴ta⁴ xi³ li² judío-jin². Je² cho⁴ta⁴ xi³ li² judío-jin² sco¹ya³cao⁴cjoa⁴-le⁴ nca³ je². ¹³C⁷oa⁴ je² Ni³na¹ xi³ tsjoa¹ cjoa⁴cho³ya²cao⁴cjoa⁴, ca²ta³si¹tse³-no³ cao⁴ nca³yi³je³ cjoa⁴tsjoa³, c⁷oa⁴ cao⁴ cjoa⁴nch⁷an¹ta³con² nca³ ma³cjain¹-no³, jme¹-ni³ nca³ coan⁴ncjin²ya³-si¹ni³no³ cjoa⁴cho³ya²cao⁴cjoa⁴ xi³ to⁴t⁷a³ts⁷e⁴ nca³n⁷ion¹-le⁴ je² Espíritu Santo. ¹⁴To⁴nca³ ña³qui³ tjin¹jnco³coan³ xi³ t⁷a³tsaon⁴³, nts⁷e³, nca³ ti⁴jon²-nio³ n⁷ion¹ ma³tse³-nio³ cjoa⁴nta³, tjin¹yi³je³-no³ cjoa⁴fa³ai³tsjen³, c⁷oa⁴-ti⁴ coan⁴-no³ c⁷oin¹ya³-lao⁴³ xi²-nquio⁴³. ¹⁵To⁴nca³ coan³n⁷ion¹coan³ nca³ jnco³jao² c⁷a² qui³squi³-no³, nts⁷e³, jo³-s⁷in² nca³ qui³si³cja³ai³tsjen³-no³, nca⁴ c⁷oa⁴-s⁷in² Ni³na¹ qui³tsjoa³-na³ je² cjoa⁴nta³. ¹⁶Nca³ an³ coan³ cho⁴nta³-le⁴ Jesucristo t⁷a³ts⁷e⁴ cho⁴ta⁴ xi³ li² judío-jin², nca³ si³xa¹coa⁴ en¹nta³-le⁴ Ni³na¹, jme¹-ni³ nca³ je² cjoa⁴tjao² xi³ tsjoa³t⁷a³, xi³ coi³ cho⁴ta⁴ xi³ li² judío-jin², sa⁴sen¹con³-ni³le⁴ Ni³na¹, nca³ coan³tsje³ cao⁴ je² Espíritu Santo. ¹⁷Jo³-s⁷in² ti²jna⁴coa⁴ Cristo Jesús, tjin¹-na³ jme³ xi³ c⁷oa³sje²je³ya³-nia³ yao³-na⁴ ja⁴t⁷a³ts⁷e⁴ xa¹-na⁴ xi³ t⁷a³ts⁷e⁴ Ni³na¹. ¹⁸Li²coi³ coan⁴n⁷ion¹coan³ nca³ coi³nchja²³ to⁴jme³ cjoa⁴-ni³, to⁴je² cjoa⁴ xi³ Cristo qui³si³nta³ xi³

to⁴t'a³ts²an⁴ cao⁴ en¹ c²oa⁴ cao⁴ xa¹,
jme¹-ni³ nca³ cho⁴ta⁴ xi³ li² judío-jin²
si⁴²cji³tjo³son²-si¹ni³le⁴. ¹⁹Qui³si³xa¹³
cao⁴ nca³n⁷ion¹-le⁴ cjoa⁴xcon¹ cao⁴
choa⁴, c²oa⁴ cao⁴ nca³n⁷ion¹-le⁴ je²
Espíritu Santo xi³ ts²e⁴ Ni³na¹. C²oa⁴-
s⁷in² tsa³ca²sen⁴ts²ia³cao⁴-nia³ ya⁴
Jerusalén, c²oa⁴ xi³ cao⁴ ya⁴ ntai³-le⁴
sa³nta³ ya⁴ Ilírico, je³coan³jnco³-
na³ nca³ qui³si³c²a³tjii³vi³soan²³
nca³qui³jnta² je² en¹nta³ xi³ t²a³ts²e⁴
Cristo. ²⁰C²oa⁴-s⁷in² nca³ ts²a³sje³
nca³n⁷ion¹-na⁴ nca³ qui³nchja²ya³ je²
en¹nta³-ve⁴, a³li² ya⁴-jin² jñia³ nca³
je³qui³no²cjoa⁴ jan³ain¹-le⁴ Cristo,
jme¹-ni³ nca³ tsi² si⁴²quin³son²-
si¹nia³ čhjaο¹ja⁴ma⁴ xi³ ts²e⁴ xi³
cja⁴²ai¹. ²¹To⁴nca³ jo³-s⁷in² tji¹t²a³:
Je² xi³ tsi²coi³ qui³no²cjoa⁴ya³jin³-
le⁴ t²a³ts²e⁴ Cristo, scoe⁴-ni¹.
C²oa⁴ je² xi³ tsi² tsa² qui³nch⁷oe¹,
coan⁴cho⁴ya³-le⁴.

Pablo me³-le⁴ nca³ coai⁴ ya⁴ Roma

²²Coi³ cjoa⁴-vi⁴ nca³ ncjin² c²a³
qui³s⁷e³chjoa²-na³ nca³ cjoa²²ai⁴con³-
no³ nca³ jon² tsa²ca³. ²³To⁴nca³
nt²ai⁴-vi⁴ntai⁴ tsin²-sa³na³ nte³ nca³
si³xa¹³ i⁴ nte³ je²-vi⁴, c²oa⁴ coan³
ncjin² no¹-jan¹ nca³ coan³me³-
na³ nca³ qui³con³-no³. ²⁴Coi³ cjoa⁴
c²ia³-la³⁴ nca³ cjoia¹³ España,
cjo¹con³-no³ nca³ jon², nca³ tjin¹-na³
cjoa⁴cho³ya²cao⁴cjoa⁴ nca³ cjoa²²a⁴
co³tsen³to³-no³, c²oa⁴ coi⁴ncha³cao⁴-
nao¹³ nca³ jon² nca³ cjoia¹³ ya⁴-jan¹,
c²ia⁴ nca³ ti¹tjon² ca²ma³tsjoa³ya³
jnco³tjo²-na³ cao⁴ jon². ²⁵To⁴nca³
nt²ai⁴-vi⁴ ti²fi³-nia¹³ ya⁴ Jerusalén
nca³ coa²sen⁴coa⁴ cho⁴ta⁴-le⁴ Cristo.
²⁶Nca⁴ ya⁴ Macedonia cao⁴ ya⁴
Acaya coan³tsjoa³-le⁴ nca³ qui³tsjoa³
taon⁴ xi³ t²a³ts²e⁴ cho⁴ta⁴yo⁴ma⁴ xi³

ts²e⁴ cho⁴ta⁴-le⁴ Cristo xi³ tgio¹ ya⁴
Jerusalén. ²⁷Nta³ coan³tsjoa³-le⁴
nca³ c²oa⁴qui³s⁷in³, c²oa⁴ qui³tjen⁴-
le⁴ xi³ ts²e⁴. Tsa² cho⁴ta⁴ xi³ li²
judío-jin² c²oa⁴-ti⁴ ts²a³cao⁴t²a³-
le⁴ cjoa⁴nta³ xi³ ts²e⁴ Espíritu
Santo, c²oa⁴²-ti⁴ tjin¹ne²-le⁴ nca³
je² nca³ coi⁴ncha³cao⁴ tso³jmi²-
le⁴ son³nte³-vi⁴. ²⁸C²oa⁴-s⁷in² c²ia⁴
nca³ cjo⁴ si³jncoa³ cjoa⁴ je²-vi⁴,
c²oa⁴ c²ia⁴ nca³ cjo⁴ si³c²a³s⁷en³-
le⁴ je² cjoa⁴tjaο²-vi⁴ je²-vi⁴, c²ia⁴
cjoa²²a⁴to³-no³ nca³ cjoia¹³ ya⁴
España. ²⁹C²oa⁴ ve³-nia¹³ c²ia⁴ nca³
cjo³cho³con³-no³, cjo³cho²cao⁴-
nia¹³ xi³ n⁷ion¹ tse³ cjoa⁴nta³
xi³ ts²e⁴ en¹nta³ t²a³ts²e⁴ Cristo.
³⁰To⁴nca³ v²e³ts²oa²³-no³ nts²e³,
xi³ to⁴t²a³ts²e⁴ Nai³-na¹ Jesucristo,
c²oa⁴ xi³ to⁴t²a³ts²e⁴ cjoa⁴tjaο²cha³-
le⁴ Espíritu Santo, nca³ to⁴jnco³ cao⁴-
an³ n⁷ion¹ v²ao²³ nca³n⁷ion¹-no³ nca³
v²e²ts²oa³-lao⁴³ Ni³na¹ xi³ t²a³ts²an⁴,
³¹jme¹-ni³ nca³ coi²tjo⁴ntjai²-
si¹nia³ t²a³ts²e⁴ cho⁴ta⁴ xi³ tsi²coi³
ma³cjain¹-le⁴ xi³ tgio¹ ya⁴ Judea,
c²oa⁴ jme¹-ni³ nca³ je² cjoa⁴tjaο²-le⁴
xa¹-na⁴vi⁴ t²a³ts²e⁴ cho⁴ta⁴-le⁴ Cristo
xi³ tgio¹ ya⁴ Jerusalén sa⁴sen¹-
si¹ni³le⁴, ³²c²oa⁴ jme¹-ni³ nca³
cao⁴ cjoa⁴tsjoa³ cjo³cho³con³-
si¹ni³no³ nca³ jon² jo³-s⁷in²
me³-le⁴ Ni³na¹, c²oa⁴ jme¹-ni³ nca³
c²oa⁴-s⁷in² to⁴jnco³ c²oai⁴nca³n⁷ion¹-
si¹ni³nao¹³ nca³ jon². ³³Je² Ni³na¹
xi³ si¹qui³njen³nch⁷an¹jin³-na¹
ca²ta³v²e²jna³cao⁴-no³ nca³ts²io³.
C²oa⁴ ca²ta³ma³.

Pablo si¹ti²²nta³ cho⁴ta⁴

16 To⁴nca³ v²e³ta²³-no³ xi³
t²a³ts²e⁴ Febe je² ti²chja³²,
je² xi³ si¹xa¹-le⁴ cho⁴ta⁴-le⁴ Cristo

xi³ tchio¹ ya⁴ Cencrea. ²Ti⁴sin³-ni³lao⁴³ jo³-ni³ ts² xi²nquio⁴³ t²a³ts²e⁴ Nai³-na¹, jo³-s²in² nca³ va³quin²-no³ xi³ cho⁴ta⁴-le⁴ Cristo. C'oa⁴-ti⁴ ti⁴ncha³cao⁴³ to⁴jme³ cjoa⁴-ni³ xi³coan⁴chjen¹-le⁴. Je² ni¹ a³li² to⁴c'oa⁴²cji³ ncjin² cho⁴ta⁴ tsa³ca³sen¹cao⁴, c'oa⁴-ti⁴ an³vi¹je⁴. ³Ti⁴ti²²ntao³ je² Priscila c'oa⁴ cao⁴ Aquila je² x²in⁴-le⁴, xi³ to⁴ñaa³tjen⁴ si¹xa¹cao⁴-na³ t²a³ts²e⁴ Cristo Jes^{us}, ⁴(xi³ me³qui³ti³sin³ t²a³ts²an⁴. A³li² to⁴an³-jin² tsjоa³-le⁴ cjoa⁴nta³, to⁴nca³ c'oa⁴-ti⁴ nca³ts²i³ cho⁴ta⁴ xi³ li² judío-jin² xi³ cho⁴ta⁴-le⁴ Cristo.) ⁵C'oa⁴-ti⁴s²in² ti⁴ti²²ntao³ je² cho⁴ta⁴-le⁴ Cristo xi³ ma³ñaa³ ya⁴ nt²ia³-le⁴. Ti⁴ti²²ntao³ je² Epeneto, xi³ tsjоa³que⁴, je² xi³ ti¹tjon² coan³cjain¹-le⁴ t²a³ts²e⁴ Cristo ya⁴ Acaia. ⁶Ti⁴ti²²ntao³ je² María xi³ n²ion¹ nta³ qui³si³xa¹ t²a³tsaon⁴³. ⁷Ti⁴ti²²ntao³ je² Andrónico c'oa⁴ cao⁴ Junias, xi³ xi²nquia⁴ xi³ ñaa³tjen⁴ tsa³qui³yo³yai³-jin⁴ nto⁴ya¹, je² xi³ nta³ y²a³-le⁴ ya⁴jin³-le⁴ pa²stro⁴-ve⁴, jña³-le⁴ xi³ nqui²sa⁴ ti¹tjon² tsa³ca³tio²t²a³-le⁴ Cristo cao⁴-ni³ tsa² an³. ⁸Ti⁴ti²²ntao³ je² Amplias, xi³ tsjоa³que⁴ an³ xi³ t²a³ts²e⁴ je² Nai³-na¹. ⁹Ti⁴ti²²ntao³ je² Urbano xi³ ñaa³tjen⁴ si¹xa¹cao⁴-na¹ t²a³-ts²e⁴ Cristo Jes^{us}, cao⁴ Estaquis, xi³ tsjоa³que⁴ an³. ¹⁰Ti⁴ti²²ntao³ je² Apeles, xi³ nta³ ji³tjo³ t²a³ts²e⁴ Cristo. Ti⁴ti²²ntao³ je² xi¹ncjin¹ Aristóbulo. ¹¹Ti⁴ti²²ntao³ je² Herodión, xi³ xi²nquia⁴. Ti⁴ti²²ntao³ je² xi¹ncjin¹ Narciso, xi³ tchio¹cao⁴ Nai³-na¹. ¹²Ti⁴ti²²ntao³ je² Trifena, cao⁴ je² Trifosa, jña³-le⁴ xi³ n²ion¹ si¹xa¹ t²a³ts²e⁴ Nai³-na¹. Ti⁴ti²²ntao³ je² Pérsida xi³ tsjоa³que⁴, je² xi³

cjai¹nca³ n²ion¹ qui³si³xa¹ t²a³ts²e⁴ Nai³-na¹. ¹³Ti⁴ti²²ntao³ Rufo, xi³ Nai³-na¹ tsa³cja³²a¹jin³, c'oa⁴ cao⁴ na⁴-le⁴ xi³ c'oa⁴-ti⁴ na⁴-na⁴. ¹⁴Ti⁴ti²²ntao³ je² Asíncrito, cao⁴ Flegonte, cao⁴ Hermas, cao⁴ Patrobas, cao⁴ Hermes, c'oa⁴ cao⁴ je² nts²e³² xi³ tchio¹cao⁴ nca³ je². ¹⁵Ti⁴ti²²ntao³ je² Filólogo, cao⁴ Julia, cao⁴ Nereo, cao⁴ nti³chja³, cao⁴ Olimpas, cao⁴ nca³ts²i³ cho⁴ta⁴-le⁴ Cristo xi³ tchio¹cao⁴ nca³ je². ¹⁶Ti⁴ti²²ntao³ xi²nquio⁴³ nca³ tsje³ t²e²t²a³ts²oa³-lao⁴³ xi²-nquio⁴³. Nca³ts²i³ cho⁴ta⁴-le⁴ Cristo si¹ti²²nta³-no³. ¹⁷C'oa⁴ v²e³ts²oa²³-no³ nts²e³, nca³cho¹son²-ni³lao⁴³ je² xi³ si¹jao²ya³ xi¹ncjin¹, xi³ si¹ca³jnqui³ je¹ xi¹ncjin¹, co²ntran⁴-le⁴ je² cjoa⁴fa³²ai³tsjen³ xi³ qui³cho²t²a³ya³ nca³ jon². Chja⁴²a²xin²-lao⁴³ yao³-no³ nca³ je². ¹⁸Je² cho⁴ta⁴ xi³ c'oa⁴cjoan³ a³li²coi³ Nai³-na¹ Jesucristo si¹xa¹t²a³-le⁴ jo³-ni³ cho⁴nta³, to⁴nca³ to⁴yao³-le⁴ si¹xa¹ntjai². Cjai¹ ntsjen¹ en¹ xi³ nchja⁴, c'oa⁴ cjai¹nca³ ma³-le⁴ nchja⁴. C'oa⁴-s²in² v²a³na⁴cha⁴-le⁴ ni⁴ma⁴-le⁴ xi³ tsi²coi³ ve³. ¹⁹Nca⁴ jo³-s²in² nca³ ni²tjo³son²³ jon²-vi⁴, cjai¹nca³ n²ion¹ nta³ y²a³-le⁴ nca³ts²i³. Coi³ nca³ c'oa⁴²-s²in² ma³, tsjоa³-na³ xi³ t²a³tsaon⁴³, to⁴nca³ me³-na³ nca³ chji⁴ne⁴ coaon⁴³ t²a³ts²e⁴ xi³ nta³ tjin¹, to⁴nca³ nca³ ñaa³qui³ tsje³ coaon⁴³ t²a³ts²e⁴ xi³ ch²ao³ tjin¹. ²⁰C'oa⁴ je² Ni³na¹ xi³ si¹qui³njen³nch²an¹jin³-na¹ si²xcoa⁴nti⁴ton⁴ Satanás ya⁴ nqui³ntso⁴co⁴ nca³ jon²-vi⁴. Je² cjoa⁴nta³-le⁴ Nai³-na¹ Jesucristo ca²ta³s²e³-no³. ²¹Si¹ti²²nta³-no³ Timoteo xi³ ñaa³tjen⁴ ni²xai¹⁴-jin⁴, cao⁴ Lucio, cao⁴ Jasón,

cao⁴ Sosípater, xi³ xi²nquia⁴. **22** An³ xi³ Tercio ⁷mi²-na³, xi³ qui³squia³ je² xon⁴-vi⁴, si³ti^{2?}nta³-no³ t²a³ts²e⁴ Nai³-na¹. **23** Si¹ti^{2?}nta³-no³ Gayo xi³ si¹sin³-na³ i⁴ nt²ia³-le⁴vi⁴, xi³ c²oa⁴-ti⁴ si¹sin³-le⁴ nca³ts²i³ xi³ cho⁴ta⁴-le⁴ Cristo. Si¹ti^{2?}nta³-no³ Erasto xi³ si¹coi²nta⁴ taon⁴ xi³ ts²e⁴ na⁴xi⁴na³nta¹-vi⁴, c²oa⁴ cao⁴ je² nts²e³ Cuarto. **24** Je² cjoa⁴nta³-le⁴ Nai³-na¹ Jesucristo ca²ta³s²e³-no³ nca³ts²io³. **25** Ca²ta³vi³tjo³je³ya³ Ni³na¹ xi³ tjin¹-le⁴ nca³n⁷ion¹ nca³ si⁴²n⁷ion¹jin³-no³ jo³ tso² en¹nta³ xi³ y²a³, jo³-s²in² nca³ nchja²ya³jin³-nia³ t²a³ts²e⁴ Jesucristo, jo³-s²in²

nca³ coan³tsen³ je² cjoa⁴²ma³-ve⁴ xi³ tsa³c²e²jna³tjao^{2?}ma³ sa^{3?}nta³ ni⁴čhjin³ coa²tse³. **26** To⁴nca³ je³ti¹jna³son²tsen³ nt²ai⁴-vi⁴. To⁴t²a³ts²e⁴ xon⁴ Escrituras xi³ qui³squi³ je² cho⁴ta⁴ xi³ qui³nchja⁴ya³ t²a³-ts²e⁴ Ni³na¹, jo³ tso² cjoa⁴te¹xo³ma³-le⁴ Ni³na¹ xi³ til¹jna³ntsjai², je³tsa³c²in²ya³-le⁴ nca³ts²i³ na⁴xi⁴na³nta¹ nca³ qui³jnta² son^{3?}nte³, jme¹-ni³ nca³ si⁴²tjo³son²-si¹ni³le⁴ nca³ coan⁴cjain¹-le⁴. **27** Je² xi³ to⁴jnco³ Ni³na¹ xi³ tjin¹-le⁴ cjoa⁴²i³sen³ta³con² ca²ta³vi³tjo³je³ya³ xi³ to⁴t²a³ts²e⁴ Cristo nca³ntsjai² ni⁴čhjin³. C²oa⁴ ca²ta³ma³.